



特へ 16
2752
7



門 八 16
號 卷 2752
7

弁州山人四部稿卷之十八

吳郡王世貞元美著

詩部

七言古體四十四首

與高大夫游盤山歌

高侯挾我游盤山下盤已見凌大荒一峰長懸遼海
色千澗暗發松花香寒流觸磴挂玉乳老檜破石垂
青裳虎豹盤拏鬪屈強虬龍甲鬣森開張芒鞋况躡
元氣度竹榼欲借春雲集行窮杳靄徑將絕忽有鐘
聲來上方排空獨創舍利塔鑿壁更築支公房我疲

弁州山人四部稿卷之十八

世貞元美著

昭和十六年
十一月十九日
藏書

先

春

足力欲就枕，高侯賈勇不可當。俯看群山一培塿，榆
 關鐵嶺橫蒼茫。建牙吹角浩無際，飛芻轉餉遙相望。
 天門絕頂僅咫尺，安得送侯北斗傍。坐揮如意奪胡
 膽，萬馬不敢驕。秋霜野夫飽，美茲山色何似日。作尚
 書郎

戲題

君不見道傍石，太古留一拳。自從陵陽過之泣，千椎
 萬琢不得全。野夫有語且自保，肯受齷齪時人傳。

其二

君不見道傍柳，昨者黃金絲。今日蕭條禿於帚，人間

毀譽風雨來，萬事莫落書生口。

懷柔六槐歌

懷柔署中六槐樹，小者百尺凌穹蒼。五如五嶽峙大
 荒，一若小室嵩之陽。行天白日不能下，呼雨闌風勢
 莫當。金錢萬緡奪春色，珠璣千斛搏秋霜。饑烏恠鷓
 啼不歇，亦許狐兔穿其傍。根蟠老大托后土，區區斧
 斤寧見傷。東家梧桐僅人立，青皮剝落神摧藏。雖有
 鳳皇不肯顧，安得送汝忝天長。

端午日觀騎士校藝懷來歌

五月五日千花晴，懷來川頭組練明。乘駉使者出行

庚青蒸通用
 此一節為每句韻

陽

營張侯手撫諸干城。翎翻小帶垂金鈴。馬耳削立聽
軍聲。彎弓技似無甘蠅。滿若織阿霹靂。鳴尾銜飛鏑。
雙流星。胡毡砮裂紛紫纓。瞥然鴿起凌空冥。董生劍
舞技何精。雪山怒壓霜。崩湏更突騎。鼓不停。降胡
蝟鬣殊。律律快驟擬。肉中原兵何來一校馳。相迎恍
如雲中白角鷹。爪距格格摧。穉翎攔腰師。比七尺輕
敗馬。跼蹐不能行。擲來胡雛萬衆驚。問之乃是前董
生。黃金鑿落珊瑚傾。野夫鯨吸乾滄溟。酒間慷慨涕
淚零。漠南咫尺皆王庭。狼牙大毒縣天縱。橫嗚呼汝曹
慎莫矜。

亞泉行吳仲子索也

誰罅五色石。下注崑崙丘。泓然萬頃玻璃瓠。圻為兩
派。江河流。再畫中原膏九州。蒸雲喻日元氣浮。初分
一線蓮花邊。要種白壁澆藍田。但看錯落瓊珠圓。往
往。上接滄浪天。君不見康王谷頭吐勺水。敢道人間
第一泉。

夜入保定公署秋隘風雨橫來戲成一首

樊輿城中數椽木。蔓菑黜驕生妬人。足使者何妨入狗
門。諸君豈解驚牛屋。此時天公太有權。行風逐雨相
扶顛。遙聞柏府沈深甚。不分啼鳥竟夕眠。

入百取

東冬

入屋覺葉通用

上虞 晦媚

余定州飛白歌

吾家子敬不再得，千載能飛詎能白。天公縮入余生手，獨洗殘碑悟神蹟。三尺生綃寫相贈，草堂頓爾生顏色。矯如溟壑盤虬龍，迅如鷗鷺擊大空。細如游絲，颺白日，澹如遠漢垂晴虹。黃河九道折天倒，滌泗沸澗爭相雄。野夫平生好塗抹，小巫氣索難為工。嗚呼！吾欲游五嶽，挾君題名遍寥廓。六丁斂手那得姪，好與匡廬關飛瀑。

戲宗吏部買妾

小婦春十五，珊瑚熒熒海光嫵。千載唐昌奪顏

侵

莫慮

色帝遣瓊枝待君吐，鴉頭步襪生蓮金。胭脂銷紅玉筋，侵夜半雞聲挽歡起。畏聽旁帳白頭吟。

秋日過干鱗郡齋分賦十二體得俱字

使君疋馬萬里途，東觀碣石滄瀛枯。朔風吹寒金僕姑，道逢俠客胡虬鬚。千金買宴爭樗蒲，為他一擲狼居胥。低眉急轂趨天都，道傍輕薄多揶揄。使君大咲青雲徂，中山酒薄不肯沾。下馬突入邢州厨，皎然文君坐當鑪。問我不醉何為乎，把舞如意驚珊瑚。古人徃矣不可呼，今人齷齪非吾徒。與爾頰仰天，糝糊安得化影長相俱。鞭雙飛龍竟八區。

上皓

是何行贈徐汝思參議

是何健兒來叩門，令我衣裳欲顛倒。金華徐卿乍相見，落日金緋照枯稿。老騶為傾厨頭醞，醉夫手剥盤中棗。入眼黃花巧相媚，促膝青燈寒更好。未將華髮論夙昔，更出新詩見懷抱。自爾高歌蜀道篇，八數秋霜變原草。山東李生大卓犖，晚得宗吳亦不惡。邇來太華失帝意，下遣巨靈斧其角。冠山神鰲顛簸蕩，鬣風長鯨怒潰礪。燕中貴人若反掌，江南佳麗同飛藿。即使喬松亦摧挫，豈唯桃杏能索莫。問我詩名如許細，黯淡逢人尚深削。長安九衢春自陰，尺地盡化為

入葉覺

侵

黃金縱有文章挂北斗，其人往往皆陸沈。腰間轆轤雙玉鞘，十日不出芙蓉深。臨岐慷慨解相贈，報爾悠悠千古心。

龍伯篇贈徐子與守汀州

我馳軺車去京國，君擁樓船下震澤。風塵片語成古今，星斗垂天各南北。雲扶恒頂大陸青，海擘鯨鬣九江黑。貴人刺促虛見讎，處處江山真宰愁。華陽洞中按謫籍，此曹落魄未可收。不然簿牘紛相揉，混沌少足延春秋。我今蹭蹬之青州，君亦五馬東南游。五馬翩翩五赤龍，玉華天開玉芙蓉。汀溪溪發桃花紅，落

入陌歌

尤

東冬

汀州 卷之十一 五

入陌我錫通用

元先

上旱上銑上着通用

花徐飛訟庭空訟庭往往烟霞色案頭一峰青欲滴
醉後頻呼白接羅興來且着臨川履莫論名世五百
年例是詞人二千石飛章報君還自言道傍青綬何
便便男兒身在無不可即使折腰那足憐君不見龍
伯灼鰲鰲極轉帝罰龍伯令之短猶能蟻觀塵世人
仰摘匏瓜未為晚

游俠篇

側坐犂眉騮雙牽短尾刁豪鷹鳥逐呼來萬里天風驕
平蕪如裊楊柳綠新豐酒美兔肩熟白日銜山不肯
歸醉擁胡姬野中宿歸來唾謂文成侯汝曹爨下不
自羞斗大黃金何足問獨身西斷郵支頭

其二

碧眼崑崙奴腰間雙明月杯酒然諾間寸心縱橫發
三尺吳鉤七尺身為君一擲同秋塵白虹射日日無
色咸陽道血波濺人君不見平津邸車門戟士夜如
蟻乾坤不平從此始曷不一洗報天子軹深里人
安足擬

壺公篇

昔有汝南白頭翁手提玉壺稱壺公壺中美酒十萬
斛桃花樹樹驕春風長房小兒錯狡獪三試不過同

八月真

上紙上着通用

東

沙蟲我今但入不肯出一辭天地無終窮

放歌贈子相考功出叅閩省

自從上帝與富媪不相得展鰲一足摧一極黃河滿
騰向西北赤水妖株掃奎壁天下文章奪顏色君不
見歷下生爾時脫屣辭承明道傍黃綬不肯跪刺史
刺促慚顏頰吳郎楚狂人鳳歌往往嘲公卿朝來幙
被門下省交游頃刻藏其名丈夫得失為龍蛇精靈
變化空咨嗟君不見王世貞其人口吻俱烟霞令袴
鐵襖當守東海探丸殺吏紛如麻綠沈槍頭雪生花
腰間有骨不自保屈曲脂韋竟誰道欲詣扶桑數紅

庚

麻

上皓

真

上馬 上塵 通用

咸 先

入點 屑 通用

日可向中原照顛倒數子豈不甘沈淪長安城中一
宗臣酒酣擊筑氣益振高歌四坐空無人恍如玉山
映秋旻句成不知有鬼神翩然黃鵠離天津要驅媧
石繡七閩霓為車風為馬張石帆植河鼓叱來武夷
君余與汝細數崇峰三十六一一峰尖鳳凰舞只今
西太華東岱宗兩山壁立峙太古不知南天竟何力
誰撐柱乃今知有武夷之顛高嶺崑使君為益千仞
巖不憂叢神上相讒世貞昔東遷宗也遺之寶劍篇
試彈蒯鍬歌曲未竟風冷然玄商起眈眈盡裂回
光滔蕩難識察遂令人間三尺鐵夜夜星辰奔回列

支微通用

我欲還君劔報君詩恐君試過延津道化作雙龍乘
雨飛

民兵行

上尾上紙通用

竹皮之冠雙鷲尾繡簾雕欄挿孤矢匣中淡淡三尺
水馬蹄縱橫雪花起鯨波如山蕩南紀壯士肯作尋
常死使君捫腹十卷書那能血擱黃金魚去時拜跪
何足道回時使君應不如

為俞使君賦紫雲裘

誰割五朵雲裁為使君裘使君自是補天手天孫奪
巧霓裳愁憶初裘散西出秦棄繻頗畏關頭噴蒼泉

真

尤

真

入屋沃覺葉通用

微上有

五穀未稱意蹉跎一綈愁故人風塵變化在反掌雙
熊却抱殷朱輪誰言漢家貂不足翠羽明璫挿晴陸
九重忽念東征寒逡巡捧自黃金屋玄菟雪花大於
席千嶂迴颺咽哀角老上窮廬匿河渚蘇即旄節凋
沙漠芙蓉秀澁鐵如意葡萄畫水銀鑿落使君披裘
出按塞况若青陽照幽朔珠羈玉控汗血肥錦鞬絡
臂腰師比降胡偶立聽指揮三軍頓其温挾纒
天子不廢高垂衣只今平明登紫微如花咲擁如雲
歸酌君酒為君壽周家翠鳳竟何在孟嘗狐白那能
守我有羊皮差勝君桐江已落垂綸叟

神州山人高

卷之八

世經堂刊

醉後信口便成九韻

王生勸汝一杯酒。自古英雄落人手。冠星飯露竟何
限。馬足車輪為誰久。昨者磬折少年前。顧影俄然見
老醜。枵腹晨昏不得謝。歸來倉皇詈其婦。新詩賦就
揜關讀。風雷為我排晴晝。千秋受驅萬象役。曹劉失
魄揚馬走。但使古人百不欺。咲任雌黃世間口。吳江
蓴鱸解秋熟。七尺尚屬王生有。

李于鱗罷官歌

人間奇事竟何限。李生掉頭西出關。金魚紫衫擲中
道。或耒長耕歷下山。巨靈高掌撥不住。玉女喻嚙愁

雲鬟以東嶽海蒼生色。星河錯落雄其間。雕鏤萬象
抉元氣。從此天公不得閒。詞場鴈行忝王李。悵望逸
翻胡。由攀燕京冠。盖但噦噪狂夫往事。猶能說酒歌
哀絃。下風雨。劔舞急調排虹霓。謝榛十詩九不道。布
衣吾儕甘折節。鳳皇池頭失傲吏。餘子散作中原別
已許。骯髒驕青雲。復將飄零鬪白雪。雖其遠游足暢
意。五斗徃徃摧余舌。嗚呼李生太奇絕。贈生兩丸弄
千秋。騎一黃鵠覽九州。君不見古來豪傑多自量。屈
宋焉敢薰巢由。

大雨行

祝融朱鞭騎赤兕礫石蒸波汗欲死誰令屏翳走天
末容雙驕龍立海水鰲轉翻平大陸顛槎迴倒見銀
河底先生此時映簾坐絺衣悉窅涼颺起新醕嘈嘈
泣相語先生鯨吸從此始缺中湖目將破顏道傍禾
頭漸生耳先生起為屏翳約三日一來來即止布穀
罷唱催登場莫遣耕夫怨秋禾

放歌答張助甫吏部

宗生自出尚書省嵇氏罷草絕交篇長安項領勝培
塿使君腰腹為桮棬青州之城如斗大縱有微言誰
為宣烏鵲啞啞言鴛鴦謂爾枳棘不足憐衣裳五色

亦楚楚吉凶豈與人間權武昌不羞官長跪歷下但
守妻兒眠此物居然在吾世遇之不得空茫然何來
青鳥銜一札似是穀城黃石編虹電繚繞出其表風
雨却過龍蛇顛不道加殮長相憶但道上下三千年
頃從宗生隲王子謂起腐令蕪青蓮斯言太重吾豈
敢後生頗畏前人賢君携琅玕坐斗柄九關虎豹愁
眊眊世途反覆日千變不信但看滄浪天丈夫故有
青雲手慎勿苦語衆今傳還君此礼一大笑野人蚤
莫南山田

讀胡侍鴻臚詩有感因遺其從子邑博叔才

虞

秋禱
秋禱
秋禱

入陌錫取通用

與虞通用

先

尤

支

上紙

十年但耳胡鴻臚鴻臚之墓三草枯世人自失鳳皇
羽此日滿把驪龍珠雖於風雅未縣合往往時材骨
格殊辭官著書欲何作書成不換囊青蚨牀頭一綈
酒家共饒中半菽時有無齊名關西者誰子肯放白
雪驕巴飲中丞冠我鐵獬豸遼陽馬被貂襜褕胡家
豈無雙玉樹或摧秋霰今窮途嗚呼胡生慎莫學汝
伯汝伯文章老成癖不見山鷄敢鳳鳴且向人間鬪
毛色封侯拜相在一言枉殺書生萬言策

醉後信口勸客飲

今日為客挂却頭上豸解我腰間魚簪纓縷紲不足

道形骸土木終何如少年彈碁六博燕檮蒲一一將
置前庭除與客遮起為歡娛東流之水西上艫世人
自賢吾自愚客不見洛陽蘇生惡少年開口造化俱
無權橫六黃金五車裂總為城南二頃田客不見魏
齊叢勢同山丘厠中死人斷君頭鯨徒馬食相堂下
當時弱者秦應侯人生反覆難預期精靈一別千憂
隨請看草木有榮悴榮者何恩怨者誰丈夫不能齧
齧權門取榮貴驅遣七尺供妻子又不能仰面看屋
梁萬歲千秋亦如此濁涇清渭何能理先生一言客
記取拍浮酒船吾足矣

辛州山人高

先

走筆惱徐汀州入計

爾時邢州侯伏謁上帝前稱友四五臣各自操其權
清狂在膏肓一切不受痊朝擁紅鸚鵡夕挂酒罈邊
北斗神漿竭南斗為相延大呼陽春倡忽惱天公眠
摘令巨鰲走漂淪眾神僊嶽分太古色海吐齊州烟
君今五馬去亦自稱朝天回首閭闔空其臣誰復然
乃知宇宙能作態風雨一度三千年

于鱗遺苦酒瓜醬夜醉放歌戲用為報

朝對雲門雪隱如兩玉山時無一杯飲何以俱頽然
平頭大奴尺一書戟之不得中庭趨青絲提繩白玉

刪先

真虛上紙

青

畫鬱金香奪銀駝酥沈瓜片片芍藥醬壓來纖甲痕
珊瑚削瓜進酒哈不止謂我卒當以樂死雪花為茵
不肯寒夜半歌聲劒波起蘭缸筑筑漏丁下罷舞起
看頭上星南有匏瓜北有斗碧霞之脯天公酒虛名
誤人竟何有安期生閉女口瓜出蔡姬酒李侯八千
年來女得否

慰明卿再謫長短歌二章和李于鱗

明堂堂成不見帝十二牧伯朝逡巡承相有輿入內
殿搖筆一掃三千人王生束裝視黜籍乃見武昌吳
國倫無官可謫左已久有地足徒恩仍新甘泉諸貴

真

辛丑年八月廿一日

氣成雲吳也亦是甘泉臣小臣無狀業萬死尚許短
 檄隨風塵長沙坐中止鷓鴣魯東門外悲麒麟何方
 鴟魅不撫掌何處猿猱不鼓唇李侯杜門十月笑惜
 女再黜奚其陳此時又一馳南康府主擲揄目吳郎
 卷衣大笑出府舍一舸乘風上武昌匡廬五老宛相
 揖長江九派流飛觴歸來蕭條四壁立大嬖諄罵小
 嬖傷女等徒稱按金石豈無宗徐李與王時從處士
 諄鸚鵡可揀文君典鸚鵡何故人能見負却令妻
 子狗文章啼寒泣饑苦未已東馳西竄窮遐荒燕中
 炊米若炊玉公田種秫不種秔貢家車馬誰與買李

子紹表胡計藏解道人間富官職女豈不念頭上霜
 吳郎欲答答不得王生請為歌夙昔日者歲之丙辰
 前五星猶聞在奎壁片語高呼白雪飛寸心肯讓青
 雲色吾宗少年強解事吳郎目攝遺其鳥豈唯吳郎
 衆辟易但語吾曹少堅敵司空撾鼓盡裸袒武安行
 酒半膝席小兒僅呼楊德祖一錢可擬程不識倘問
 曹中理公事君其且看西山碧故知萬變同翻手風
 雨青天晝能吼遺鳥少年坐上坐誰哉捧案前奔走
 世人榮辱強相制吾輩行藏終自取妻子寧須饒遠
 略且用七尺餌其口即使女官更削盡豫章男子得

齊州山人集卷之六

活不女之江陵千樹橘來共吳門千畦韭耕盡要離
墓上雲洗眼看他竟何有

其二

嗚呼吳郎似不欲女人間住畢竟何方可容女造物
由來有深意丈夫未必終窮苦屈家老翁錯解事強
作區區不平語迷魂大招招不得黠黠對蹄江上雨
魚腹脂消骨何在海內文章竟歸楚湘山九疑江九
派天地為之尚吞吐回首當時一子蘭淅流草沒施
荒烟英雄七尺本有托斷不俯受凡人憐吳郎未買
南山田拂衣且登五嶽顛倘有韓衆授丹訣入口白

上語虞

寒先

日昇青天不然來訪王與李片語共作三千年男兒
死則有死耳安能再辱咸陽之道邊噫嘻勸君歸去
者誰子其人折腰車馬前

送陳副使罷官還蜀

陳侯不願二千石西望三巴鬢為白臺中解綬欲生
還御史下堂相苦迫薦書堂自滿承明紫馬翩然辭
帝京河東股肱任爾毀山人腰骨今殊輕却過九折
迴車地大笑當時叱馭生為問君恩竟多少無煩
令伯陳情表郾筒酒底東風寬叩竹杖頭明月小更
羨春雞問寢歸支願坐對峨眉曉

入陌

庚

上篠

入勿屑通用
入錫或通用

上軫

過張吏部留題

君家屏風五尺雪，上有顏篆跡盤礴。塵尾蟠蛸羊辟
垂胡牀，以外無長物。使君酒聖誰當敵，新豐釀奪梨
花色。飲酣不識袁彥道，布帽已染吳興墨。金壺丁丁
水欲盡，臨行擲杯意難忍。安能三日不相過，令我真
成輕薄尹。

歌送董僉事之大同

盤雕錦袍鐵驪驄，繡旗雙颯桃花紅。董家南塘聊一
出，萬舸不敢乘春風。健兒百戰髓力盡，天子高卧
咸陽宮。撫髀之對何匆匆，誰奪我公向雲中。南粵王

東

頭闕下矣六羸北，首穹廬空代人巷。賀吳人哭安得
分身來救儂，劍歌大白須滿飲。天下健者唯董公，嗚
呼天下健者唯董公。

即事有感寄故張職方

燕中冰雪正磊砢，行人馬頭日駸駸。別駕那辭廣柳
車中丞，且進琅璫鎖牙旗。甲帳少輝光，玉筋紅顏泣。
數行如澗酒，在不得醉悔不潦倒尚書郎。

夜過前中丞翟廷獻飲醉作

翟公之門雀可羅，五馬焉用長經過。丈夫意氣偶相
許，不惜葡萄千石多。君家食單况無敵，蒸餅能為十

歌
入錫

陽

上哥

陽

上紙

真

入屋次

文

仄哈笑

入藥

真庚

歌

字坼鳧鵬金縷壓鵝黃。蟬擘霜螯勝熊白。洛城可數
 飲乳豚。安定虛傳噓鳩麥。問君行年七十強。紅顏綠
 鬢雙瞳方。手談意彊盡奇品。高歌激塵飛逸梁。一杯
 一曲殊未已。殘月千門夜如水。欲別無勞問姓名。其
 人高陽酒徒耳。

即事書懷二章

四十不足三十餘。如何輒擁連城居。以茲但飲淄流
 水。不敢時通政府書。旦暮移文如濕束。東西手板同
 驅逐。何武公然欲露章。山濤久矣忘除目。竄使鮫龍
 困。螻蟻豈容燕雀知。鴻鵠任他牙爪日。紛紛難向青

山攫白雲我自安排容足處。裁詩先屬太茅君。

其二

十年對客歸去來。徃徃坐被商山哈。使君嘆惜不自
 了。知我者誰御史執。吳中風土殊不惡。葑田雖微給
 衣藥。那能請急淹歲時。便可逃榮老丘壑。驃騎終輸
 第五名。僕射難勝酒杯樂。躬耕手釣驕未能。學書學
 劍慵無成。唯應侍膳春朝後。飽看雲霞美大清。

翁中丞南巡歌

自公之昔除煩苛。規調如山芻粟多。居人漸徙虎豹
 穴。大海欲戢鯨鯢波。片言齟齬輒投劾。安石不出蒼

生何歸來束書四壁立豈有蠟履雙青蛾若耶若鏡
 不足釣抱膝時時聞嘯歌夷德雖輕猶未厭以茲頗
 晚山公薦西汎三江奏春雪南馳五嶺開炎霰漢英
 恒餘圯上編齊書尚鬱聊城箭今年五月天亡虜
 聖主推輪飛六傳中丞獬廌鐵作冠宣室麒麟玉為
 殿輕裘緩帶來東吳妖氛却掃旄頭孤星辰莽動鐵
 如意風雨長鳴金僕姑拊循三軍挾貉曠惕息諸將
 昂虬鬚餘皇萬艘颶驅葉組練千重霜剪蕪南越王
 頭挂大白馬蹄撲簸纍夷俘兒童拋棄竹馬拜父老
 不用藜牀扶我公五載猶一夕鬢髮全無半莖白冠

恂誰借留河內李晟天生為社稷露章日夜走長安
 竹宮祠釐動顏色御史趣刻蟠螭印承相且畫交龍
 敕若若雙垂綬青紫萬戶侯兼二千石牙璋不動画
 戟橫朱幡映奪滄浪清此時王生一游客步入轅門
 人盡驚願為十日布衣飲客星倒據三台明何人可
 當虛左席捫腹無踰於此生孟堅好推勒石頌仲宣
 愧殺從軍行公猶未發我未去丈夫有志事竟成大
 鵬尺鷁各有造不廢萬古俱垂名

歌贈邢先輩

邢郎眼如紫石稜自云昔者師神僧胡牀踞坐鐵如

意一一空青指玉繩紫微坐中金不收熒惑奔動心
為愁天公瞞瞞雙眼合天上星辰俱倒流安得叱長
虹化銀橋與君上軒取瑤波灌白榆業風千歲無排
蕩歸來北斗挹神漿更有匏瓜可摘嘗莫槌河鼓驚
閭闔只向機頭請七襄

荆王篇

君不見道傍石精光自繚繞夜夜天中屬白虹時時
海上來丹鳥下生持抱入昭關願學虞廷一獻環沂
水未應輸若水崑山不敢傲荆山祝宗虛聞誇祭饈
太史那能上占式未必君廷俱宋相其柰工師有周

刑上

先取

入

入

豪

入百取

陽

容面首群靈垂黯然龍文欲吐咽蒼烟璠璣首列烏
緜几對此云何不可憐智矣如葵能衛足問君泣足
還泣王竊比東門獨角麀密言使者空籠鵠君王三
聽未為勞好向昆吾問寶刃煜煜陽烏升碧漢亭亭
魄鬼浴銀濤捧出傾城動顏色隋珠越銀咸辟易共
道應償十五城何須更愛二千石膝行向前中自傷
野人焉敢食陵陽惟憑寄語樂正子三月胡為不下
堂樂府謂王人者樂正子也

題十八學士春宴圖

梁園碧筠滿湘玉小山叢枝綴金粟天公驅龍耨秦

入

十八學士春宴圖

十八學士春宴圖

上虞
入陌

入沃
歌
入陌
太

上奇

真

入沃

庚青

上紙

上虞

先

士移入秦王天策府。虬髯主人馬上客。手摺中原血
華赤。芸氛霏霏講初罷。獅子驄頭散鞭咭。軟羅半臂
春風偏。十八奚駒嘶紫烟。玉酥宮痕織月甲。銀甕戈
書小黃押大槽。亂拍真珠流葡萄。就煖沈香蚪。琵琶
掩瑰鴟。雞促殼殼破陣秦王曲。義輪半春啟明曜。萊
公起舞密公笑。就中小薛醉隗俄。龍門老師柰若何。
太子宫前演雞戟。銅馬時時嚙荆棘。諸君詰朝且虛
左。雋州流人來上坐。

承大司馬濮陽蘇公惠覽詩集率爾有酬

青門耕烟一老臣。黃石赤松先後身。天書姓名隸琬

琰。何足道哉。漢麒麟自誦游僊度紅玉。鳳笙雲璈宛
相屬。猶有軍中突厥鹽。污它半部清商曲。

其二

蘇家五言李少卿。半割漢語歸王庭。昨婦祁連併收
得。奚珠錯落珊瑚明。馬支山頭湛盧紫。仰劃天河赤
瑤水。寫作人間龍鳳鳴。一洗千秋濮中耳。

悵悵行聞吳明卿至遺之

憶昔彈冠事明主。奕奕軒車走環堵。雄白那能守一
身。雌黃直是論千古。當時意氣迫堪憐。家難飄零燕
市邊。乞食監河無羨粟。橐餖深室不論錢。驃騎沉沉

蘇州山人高

元

上紙

真

入屑

用陽庚青真通

真先刪

真虞

真

寒刪先

似九閻低頭搶地欲銷魂。生男未免倉公辱，失勢方知獄吏尊。吞骸餘息還如死，削迹何人是知已。挂劍空餘落日心，援琴幾廢高山指。生平國士定誰如，消息經年恨有餘。千回杜曲杯前夢，一字衡陽鴈外書。野夫昨夜驚耳熱，聞有金明雨中轍。青鏡嬋娟欲奮飛，掩淚沉吟更愁絕。

吳明卿以再調至京，值余方事家，難不數數見也。于其行，聊擬古歌二章贈之。南冠楚音相對，歎歎無復易水慷慨之致。繇才氣都盡耳。

薰風如飴，晝履霜之子何役，向河梁哀鴻摧弦離披。翔有似游子不獲寤，往邁千緒結中腸。欲言未言以彷徨，浮雲踟躕鑿我傷。誰言無情不見明，連城如山拉然崩，穿墻嘯莽伏豺狼。鬼車旦鳴，猶猖狂嗟嗟獨留，磔高堂，黃河濁流限清湘。子今胡為厭故疆。

其二

浮雲淡淡日就淪，請室漫漫何時晨。我欲偕子取無因，美人如花王為顏。妙舞黃鵠體僂僂，何以當笑黃金千。眾女謠詠令親踈，失身為君君不愉。空房迢迢清夜徂，東鄰棄娃仲卿妻。生少不諧常獨棲，蘭摧壁隕委塗泥。蘭摧壁隕寧再全，君恩雖逝猶當還。為君

蘇州山人高

三十一

廿世經堂刻
抵節歌盤桓。棧馬當芻意流連。仰看北斗正闌干。跡
徃虞來傷肺肝。

并州山人四部稿卷之十九

吳郡王世貞元美著

詩部

七言古體五十四首

罷官雜言則鮑明遠體十章

肅肅南山松。本不畏雪霜。東家牛羊西家斧。剥琢憔悴令人傷。丈夫四十彊。乃仕我今三十四。還鄉非因倦游戀。丘壑直是家。難謝冠裳鄰里老翁。恠我紅顏未凋歇。前勸葡萄酒。玻璃觴再拜謝。老翁我今有酒不敢嘗。胸中珠璣十二斛。斛斛千黃金。欲吐復摧

并州山人稿

卷之十九

藏留照男兒一寸心豐城寶劍如得出改作鑣刈向
長林

其二

梁王太傅二十三日夜掩泣向重原我今幸加一日
長罷官歸去復何言南山谷頭一種蘭獲免剪刈愁
霜寒折置懷袖中雖云枯槁香未殘千秋意氣盡今
日別有長技出人端請看樊鄴絳灌竟誰在曲肱蔬
食不足歎

其三

東家請急歸驪駒玉勒多光輝西家乞骸還秋風盡

賈南山田我今溝家難倉皇荷恩休囊中俸錢支取
盡明年要典鷓鴣裘男兒有身饑亦可恨不飽殺安
昌侯

其四

昔時騎羊總角兒三三兩兩誦書詩顏衰髮禿不稱
意猶挾殘編乞有司人生欲官不可得問我得官胡
棄之六月繡襦綺袷黃金胄行人拍手好威儀與君
談若君未信請君自衣還自知

其五

今我對酒哽咽不能飲諸君且為盡一觴南山耿雉

賈元
寒

微先
尤

支

阳

入鬼網北山甜李代桃僵直絃曲鉤那足問齊竿趙
瑟不相當少年讀書數萬字一字不入五侯七貴場
孔家熙先悔作賊三十左右尚書郎

其六

昨日罷官歸今日度關梁關吏喧呼前致詰胡不傾
倒書生囊罄折聽譏征一一為奉償僮僕面如土怨
我魚服不自量我今舍此欲何服金帶錯莫無精光
諸君但怨莫相就養雞牧豕正倉忙

其七

東船少年破衣不掩脛秋風蕭蕭皮肉冷昨者蒲博
勝十錢從朝懽呼迫至暝西船老翁紫衣何赫奕七
十懸車二千石少兒恩請未授官日日撫髀長太息
人生悲喜寧有窮老翁冉冉向下春但令少年作老
翁

其八

飲用葡萄九醞清冷之美酒焚用都梁百和旖旎之
妙香騎用金鉞流鈴躡悅之宛馬坐用垂蘇渾銀平
脫之胡牀博場姬館使意氣東郊南陌爭輝光碩謂
豎儒子安用終日仰面看屋梁胸中貯書千萬卷兩
人擔將瘞北印

神州山人高

大徑

入陌

東

其九

爰居海上來飛至魯東門鳴鐘擊鼓奏犧尊低頭結
膝不能飲哀鳴躑躅欲有言溫沂寒泗有息壤區區
飲啄自生存女家司寇接浙就長道何不留置明堂
享清廟于嗟三卿太草草可以人而不如鳥

其十

君不見漢班姬增成避寵時團扇掩泣秋螢低銀牀
象簾一半冷綺戶寂歷流蛛絲此時飛燕在昭陽君
王一身尚不足赤鳳飛來燕侍郎十五吹簫慶安世
尋常掣履馮無方長安道上黃金偏但至西坊甲第
不復前豎儒杖頭挑一錢亦足買醉春風顛我今無
言君且眠

明佐游梁無資作歌見援聊此奉復

北風吹漢銀濤顛客星夜簸不得懸自從僕被青州
出陶令囊空無一錢墮涕倉皇訣妻子行乞佯狂燕
市裡落日誰憐故貌非青雲久信雄心死吾家弱弟
慚小陸洛下東西兩間屋披肝未擬閭闔迴灑淚如
添海波續門前春雨新綠苔長安車轍無時來杜鵑
吞穀鷓鴣哭空庭寂寂荆花開王郎昔卧平津館裘
馬春生上林苑不合汚宅丞相祠何人更進王孫飯

元膝素同音素
鳥受食如

太嘯上暗上孫
道道

支奇
陽

先

先

上紙

八屋沃

庚

太翰

世經堂

陽

上語

先

太實太未太零

寒

上有

入案

與虞

月比侏儒少一囊誰憐貧病有東方昨夜細君應見
讓不如枚叔去游梁慷慨相逢並羈旅狐白何當禦
君暑亦知羊角卧空山親在微軀未堪詐

短歌答張幼于茂才

白龍宛轉逢泥淖魚人色喜路人笑空街一寸明月
珠眼底無恩可相報張生贈余瑤華篇狂歌墮淚秋
風前何時共鼓滄波去海擊三山吞紫煙

德甫數辱解衣之惠而負約不來乃成此贈

邂逅逢君薊門市一語綈袍解相衣課兒日日掃衡
門五馬朝天不時詣乍可成都典鷓鴣誰從北海憐
精衛青門祖道白衣冠搔首何人淚暗彈讀罷殘編
游俠傳五陵霜色至今寒

長短句奉贈沂陽王子

君不見沂陽子胸中磊塊無不有鴻都十上垂白首
七尺猶沈闔闔間片言虛落公卿口歸來買田無負
郭抱膝哀吟動寥廓琥珀春浮大白明芙蓉日抱雙
丸躍沂陽子卓犖一丈夫何不南掃百粵北吞胡虎
可咀龍可屠六翮欲奮青雲徂沂陽子咄咄勒成五
千言胡為乎長風東南來吹上頰鯉魚兩角外銜垂
流蘇中有三尺素啟之燦爛霞文舒奕者劉生致區

入陌錫取

區道爾訊訊余何如又不見野人自蟄幾兩屐日日
吳山弄秋色沂陽子仰面看屋梁萬歲千秋更愁寂
徐子與自郡謫歸諸名士同汎石湖分韻得帝
字

上紙

石湖天開鏡中水烟濤東浸吳王壘峰頭古刹接上
方松陰半落澄波裡日月浮沈總跳凡雲霞舒卷時
成綺問誰游者徐使君歸來沾沾殊自喜高第不拜
穎川金新詩空貴洛陽帝以茲五馬倦買臣欲汎扁
舟隨范蠡野夫兄弟操酒船重以吳下諸名士據石
雄披萬里襟枕流清洗千秋耳醉狂顛倒為子歌立

波推空大風起榜人色奪催欲罷回首中原暮山紫
驪龍有珠鬱未吐夜色蒼茫暗歸艤但住十日了不
妨君不見五湖已屬王元美

林公勵志董脩七日不食走筆問之

東林公東林公禪房寂寂蒼苔空七日不受人天供
出門雙頰桃花紅我不願白牛乳迴汝黃金色亦不
願一麻復一米令汝肌膚削如腊藜羹豆飯香且圓
樹影忽過窓西偏即呼雜食吾亦可飽啜松風任意
眠

徐煉師道場致雙鶴作歌贈之

先 入陌取 東

公翰

庚

入陌取通用

何來雙白鶴，口銜雙玉案。翩翩辭委羽，嘹唳度銀漢。
青城道士徐佐卿，自言師事浮丘生。芙蓉星冠鐵如意，獨呼此鶴朝天京。
野夫亦有烟霞癖，名姓猶然挂仙籍。欲向緱山月下游，因君倘假青田翼。

答李伯華文選

王子昔把青州麾，牙旗甲帳爭光輝。與君快飲垂一月，女郎山頭雲不飛。
倉皇家難挂冠去，依舊江南一布衣。世情反覆東流水，選部門前亦如此。車馬新年羅鳥雀，荆榛舊日皆桃李。
惟有鄴侯三萬編，青藜燐燐夜欲燃。主人倦讀命所狎，彈碁陸博誰相先。小舞

微

上紙

入陌取

安花研光帽，長吟就草蓐。蒲笈報君此時頭，欲白男兒讀書飲酒差足適。
中山鑪頭千日眠，不然老作君家記。室死亦得。

醉題曹子念壁

君家一椽如牛屋，門外輪蹄宛相續。老僕自好歌鷓鴣，上客時能舞鴝鵒。
牀頭莫問明日米盤中，且辦今夜肉。我笑曹丘非長者，君言王湛真癡叔。
丈夫有錢不解使，老向兒曹作駒犢。

周魯昌自金華丞入計遷太守賦此贈別

宣州醜醜琥珀掌，王龍橋頭為君寫。試問百城山海

上馬

入屋沃

宣州醜醜琥珀掌

王龍橋頭為君寫

間何如羊刺風塵下。仙人再見石作羊。童子重迎竹
為馬。唯有東陽舊日腰。總是工詩不堪把。

贈張伯起應試南都

見君叔夜眼已青。及見元方心轉傾。孤帆挂雨動秋
興。為君且賦秣陵行。秣陵浮雲壯北關。叢桂含香待
誰發。醉艇時凌朱雀烟。吟鞭緩踏長干月。江頭小女
字阿敷。十年工瑟還工竽。一朝身在黃金屋。始信紅
顏與眾殊。

送張幼于應試南都

楚鳥垂天翼。荆璞連城珍。三別終見賞。一鳴始驚人。

醜君大白為君醉。黃金漸輕士漸貴。丹楊解喚孝廉

船。御史難睜文學議。江東才彥何紛紛。自言健筆俱

凌雲。由來士簡能工速。莫作詞場第一勳。

寄許左史蕪訊西亭王孫

詞客不寂寞。故人多輝光。許侯自厭五馬去。十年相
齊復相梁。大梁夷門已非故。大梁游俠猶傾慕。共道
青雲公子交。還誇白雪相如賦。病夫偃息東山廬。自
言于世無所如。倘遇漢朝劉子政。為求鴻寶枕中書。

和徐荊州覆水歌

黃姑步頭天如赭。帝遣豐隆策風馬。使君蓮葉輕且

青庚通用

八月

虞

真

太真

文

陽

太遇

與

上馬

入陌

上歌

太簡公實通用

入陌 先 上紙

支

入屑

阳

柔長年醉顛不自由。須臾俯身謁河伯。為言時平莫
輕擲頭毛。曲跼衣作結。使君莞爾岍人攝。憶初三月
下荊州。我寄巨編橫江流。青山百疊過一瞬。飛帆逐
天天欲盡。門前小港擬黃河。人生咫尺饒風波。安危
去矣勿復道。讀君新詩為傾倒。真珠錯落暝光破。老
鮫無聲淚潛墮。不為生犀照夜央。寶箴空寒謦深臥。

題餐英卷贈金陵趙生

藍田老翁解種壁。南海太守仍煮石。爭似儂家籬落
邊。長貧不乏黃金錢。儂今亦號天隨子。手摘此花和
露餌。湘江下可薦靈均。甘谷何煩遺伯始。為儂朗誦

餐英辭。清波溢齒。天風吹胸。中秋色三萬斛。底事商
山尋紫芝。

馬節婦吟

芙蓉作花栢作葉。秋霜棲機月棲楨。銀缸單照影底
身。玉筋雙垂眼中血。夜臺低回見君面。別時蛾眉盡
成雪。還君寸心如寸珠。炯炯寒光猶不滅。

孤鴛篇

水石齋中小池鴛鴦。忽去其雌。曹生子念命
余作孤鴛篇。敬美當和之。

摩訶池上兩鴛鴦。和鳴交鷗共翱翔。一朝雌去不相

微存

上賄

上馬

支微

真

入陌

尤

上紙

魚

去霽

與州山人

世經堂

待却使雄栖欲斷腸不學秦家蕭史妃翻成漢代買
 臣妻去似妖娼歸北里留如戍客滯遼西生計淒涼
 枉癡待主人恩重心難改願影猶疑怨耦從聞呼自
 愧空名在碧苕芳萍夢已虛紅顏繡羽漸凋踈枝頭
 恨殺連理樹水底生僧比目魚吳天獨鴈聲相亞臆
 中清淚如波寫已令明月不成機復遣寒霜摧半瓦
 總為情深有別離他生未是此生非孤魂倘傍韓馮
 墓依舊雙雙一處飛

為王復索贈所知因賦魚字韻嘲之

玳瑁為簪翡翠裙紅顏的皜勝芙蓉莫言天壤王郎

惡猶是風流晉代餘囊中馬肝時自拭門外羊車恣
 所如儂今道汝烏亦好安用刺促悲前魚

歌贈李生還四明

茂才以俞仲蔚書至

四明少年慕狂客相逢便據侯嬴席手持俞生尺一
 書顧盱自許文章伯公車再上不得收錢唐水冷芙
 蓉愁為言生世無所願但願一識王青州青州濩落
 已如此金魚頓擲歸田里萬事唯存物外身空名枉
 挂人間齒與君轟飲一月餘醉看東海雲霞舒高歌
 未折兒黨項謔浪翻遭時輩踈囊中有書須好戀功
 名翻覆如驚電歸路毋輕白日駒何人預曉青雲面

麻

豪

衣 春

蘇州山人集卷之十九

十一世經堂亥

君不見亭羅女紅顏坐奪吳宮花伊昔吳王未相顧
日日江頭自浣沙

長歌答汪中丞伯玉

黑風吹海海怒號長鯨血牙恣所饕閩吏百城摧欲
逃中丞氣奪霜空高一檄立掃三千艘捷書疊飛天
喜勞馬蹄雪壓麒麟袍瑀戈澁綠弓卧秦轅明月寒
靜不囂中丞雅志薄穀酒鄴侯萬卷時入手青藜吐
烟墨花走西京驅前建安後因之故人忽挂口使者
雙魚破林藪越絲玉寒為余壽野夫自脫朱兜鑿木
湖烟波天所酬酒船不楫任拍浮卧看日月雙浮漚
公方清廟懸天球顧我結束期扁舟公毋調笑我不
愁男兒七尺俱千秋

答仲蔚歲暮逢二子行同徐汝寧作

俞君頭風卧不醒乍看二子眼已青老媪為剝錦里
粟令弟頗出樓家鯖同雲忽紫天冥冥客起欲舞主
欲停王生往事不挂口與君且談汝寧守汝寧自賣
南山田醉來新月十五弦鸛鷄半作酒胡物鷓鴣暫
偵商人船君莫為二子題詩憐坎坷千古聲名眼前
過歸客何曾怕鳳衰此公似未甘龍卧

海上行

先 上有 青庚 太箇 坎珂不平

蘇州山人集卷之十九 十一世經堂亥

蘇州山人詩集卷之十九

南風海立次鯨涎鏗稍注日日吐烟塗金組練千樓
船愕哈嗑借誰敢前御史六傳如從天片檄萬刃俄
爭先夷帆草偃無衡堅將軍獻俘血洗鋌鳴機歸杼
來就田父老猶憶當羊功橫磨十萬皆軍鋒誰其察
者稱司室三載坐釀吳天紅此曹枉殺通侯封御史
御史真若翁曷不早報明光宮黃金汝魚五汝驄

虞山謠

虞山山頭日欲黃誰家健兒出南塘白幘青鞵綠沈
槍席卷百里裝餘艍客歸來坐大府前門羅祭戟後
堂考鐘復雷鼓烹肥牛湛清酌我欲言之丞卿怒

其二

西雲障天東日出安能舞風長不失鐵券自保前朝
身安能將身作後人三千健兒尺一帑倏忽隨颺逐
流水君不見一虎伏衆虎死黃頭子赤頭子女曹膽
落温御史

送陸君儀部起廢分賦得治城

謝公昔未達與客登治城一為遺世言口吻烟霞生
東山高卧三十載遠志雖饒壯心在躡屐能開大桁
烟圍碁直賭秦淮塞英標爾復冠人群強為天書辭
白雲謝公墩頭初月上千古風流併在君誰憐此言墓

入質真紙

上虞陽

長耕者曾是同游王右軍

郡丞劉公子仁以直道由諫垣外補量移吳郡
署後高齋黃菊翼之顏曰晚香亭諸生莫叔明
要余作歌

君不見陽春二三月桃花李花參差發只知穠豔媚
游蜂蜜信芳菲付啼鴉八月九月露為霜金天司候
律中商此時群榮盡搖落此際庭菊獨舒黃堂上三
秀垂欲朽握中九碗寒相負遲暮翻窺造物心衰榮
豈落東君手劉侯舊是令香客一官流擯非所惜肯
將憔悴傍靈均自有風流勝彭澤白衣贈君酒一壺

無亭亭秋色凌霜孤他時再入承明地莫問玄都花有

聞袁魯望登第志喜却寄

虎丘池頭與君別片片寒霜走鳴銜十年仍上泣玉
書千里果至泥金帖野夫懽叫四坐聞忽憶以時慕
終軍一言唾手取青紫蹉跎歸種南山雲要知晚成
差有味男兒有才豈終棄君不見老驥剪拂時蹠足
長鳴裂珠轡

再過曹甥子念飲暢作

曹生頓復益數椽門前柳色春風顛入門左顧壁四

八月錫

陽

上春

入陌

虞

入葉

文

太實太未

先

立欲言不言但鞞然松濤驟鼓豆香發碧甌錯落真
珠圓江瑤含醉垂紫纈鱗鼻吐腴如玉船人生醉飽
差快意餘者碌碌俱可憐主人送客欲就枕東家酒
胡索酒錢安得負郭買二頃為汝種秫消殘年

題鳥王啖龍圖

黑風吹海海水立琉璃宮中老龍泣此時鼓翼天關
摧左足下蹴龍宮開海人明珠若明月願贖龍軀了
無咎鼉叅龜史祈以身天厨朝舖不爾珍老拳頓顙
隆準坼雙角拉枯血中擘敗鱗飛空空欲赤餘噫尚
足呼風霆擲火波底流金鈴宛轉骨盡神不靈我聞
閻浮提三千六百海一龍一餐八萬載須彌山傾劫
福竭鳥王與龍竟誰在君不見龍兒一夢何其聰可
憐宮中群小龍金翅乃是宣城公

題獅子搏虎圖

山君夜嘯山月迷當其所遇無衡蹄何來斗尾青狻
猊萬木草偃天為低兩雄相值其一雌須臾力盡氣
亦奪欲竄不竄足如絀哀嘒踏地地欲裂金精淪光
夜深發身作狻猊掌中血君不見赤豹慄玄熊靡狐
兔走為麋鹿喜爾曹肉余行及爾風塵草昧人自竒
男兒墮地須知幾又不見李密未遇秦王時

高... 卷之... 十四世...

支微

齊

東冬

上賄

青

入宿

真

八月

庚

入緝

張生歌為應和作

張公一生湖海客少年任俠章臺陌周家小史珠作
歌廣武妖姬月為色玉盤錯落奪梟飲金彈晶熒闔
雞得似留青眼俗外看肯許紅顏暗中擲歸來折節
始為儒得錢但買鄴侯書門因留客翻長掩徑惜飛
花故不除有時忽發春醪顛虎丘山頭雪放船狐裘
銀榼施僧去却借一榻雲房眠踉蹌顧撫三兒喜大
者風神剪秋水次兒霜蹄日千里小兒跳地學虎子
若曹讀父書足矣

題王孟端畫竹後

老可醉吸瀟湘色吐出千枝萬枝碧彭城才守詫墨
派一掃枯篁一千尺孟端自是琅玕裔幅幅生綃露
生氣離澁殘瀋若有神或穠或淡皆天真後來太常
非其倫自言遠步湖州塵但恨無過梅道人聲華積
漸背時口遺蹟飄零落余手高閣如聆鸞鳳鳴華堂
瞥觀雲烟走君不見黔寧假王金如山乞君片紙君
仍慳野人手植三萬箇落日清流相對閑

題葉母卷葉生少失母而育於庶母

零夜玄霜繡楓樹上有單鳥泣秋雨東巢伏殼西巢
乳喙血漣漣不辭苦兒長成尾畢逋雄飛撒捩天風

入百取

虞魚

真先

上紙

入百取

太未太

真

上有

剛先

徂嘔嘔啞啞歸慰烏誰言汝烏非汝雉

短歌送盛氏謁選補府掾作

盛君白皙好少年用如快鶻搏秋天
貲郎業盡不得調十載舌作吳江田
昨者尚書下尺一欲請府職無
利員長安九門色喜微青袍瘦馬受署
歸仕宦豈必二千石一官何處無光輝
君不見南陽太守岑公孝弘農成瑨但坐嘯

汾陽王單騎見虜圖歌為郭都督作

中興八葉唐成王手挈太阿歸權璫
是時吐蕃大披猖河隴業已腥冠裳
回紇角之蕃益張橫氈浴鐵靈大荒
其氣似欲吞秦涼令公七尺萬衆當
親捧紅日騰扶桑九花神虬超欲驤
翺翹貝帶青絲韉令公眼底無豺狼
免胄微見鬚髯蒼大酋咋指小酋僵
兩都香火當復長乞公片語還氈鄉
舉觴酬天天為黃馬毛蝟縮喑不揚
萬刃立捲三秋霜先聲一夜摧西羌
穹廬倒卓替普亡俘兒解辮血洗創
朔方以北仍稱唐歸來鐘鼓登明堂
二十四考黃金方臨淮愧死軍容忙
田家老奴蹠道傍何來樞密開同光
後人徃徃誇身強將軍少年鐵裊襠
連錢插羽梨花槍用如電掣星流芒
巴蜚寶叟黃頭郎愛養死力同肝腸
一葦

坐掃千餘皇為侯此圖侯莫忘白茅虎竹出御床還
侯太尉邑汾陽

為劉侍御題清舉樓

主人高樓號清舉主人卜築今何所橋畔船歸虎丘
寺門前客散桃花塢為言塵市無所歡聊從物外得
奇觀習習蘭芝繚戶牖紛紛虹雨挂闌干倦來獨岸
華陽幘鄴侯圖書周四壁捲簾忽舒東海霞拄頰且
看西山色風前胥口幾葉帆月下吳閭一聲笛元龍
之客不可留東陽八詠誰能酬鶴背翩然別君去白
雲無盡五湖秋

永嘉行贈李冲

春

永嘉鮑生奕者師十七人間當國手丁卯橋頭遇楊
相籍甚文章呼小友吳中好事家請謁往往巾履羅
其牖越機阿錫秦復陶一酌叵羅併為壽其鄉李子
雖後出別有神機暗中授便付建安難甲乙建安王
休仁為
圍甚大晚似黃池互先後十年落魄江湖間刺上姓
中正名垂欲朽邇來冠蓋頗塵俗自挾朱門酒肉走野人
罷鍛銅池旁落日柴荆許君扣隱囊紗帽炯相照小
簞踈簾時所有欲行大白即苦辭鮑生昨者死以酒
又言於世無所願願得吾詩良不偶吾詩寂寂更類

汝縱奇豈入時人口不龜未免緝緝洗一賭也得宣城守男兒有酒須飲甚且着試問鮑生今在不

九華歌贈董山人浙甫

山人家傍九僊山玉華吐雲覆其顛三峰倒懸閩海日九朶芙蓉寒插天山人不肯山中住自言妙得丹青趣但能笈負此山圖處處芒屨踏烟霧君莫學宗少微跼蹐一室裏欲令山水響朱絃山豈真山水真水老夫肯減謝幼輿煩君寫置丘壑軀明年婚嫁粗事了與爾扁舟共五湖

三飲子念放歌一章

生不願作平津客但願一歲一醉曹郎席昨者飲醇蕪擊鮮自言多收十斛麥今年麥田半欲赭門前車馬渾無色主人喚客客且休男兒有身千不憂盤龍少小擲百萬君卿焉肯鯖五侯豫童食單闕黃領襄陽鑪畔饒槎頭爭梟奪雉歡未足牀底牢槽滴寒王狂呼太白不肯辭倏忽銀燈看成綠明朝有興仍能來鷓鴣一脫窻復回邯鄲市金高北丰平原小兒安在哉

贈梁伯龍北游歌

伯龍七尺蒼髯虬菰蘆不散英雄愁慨然揖我渡江

剛先通用

公遇

上紙

與虞通用

入陌取通用

尤

入沃

尤

尤

入陌取通用

微

眉月通用

東

去欲捲長虹天際頭東連海岱西二華黃河一線中
間流燕趙悲歌酒人得原嘗俠節眉頭識須留國士
徑寸心肯博侯門萬金壁荒草猶塵碣石名浮雲立
變華陽色歸來咲謂宗少微汝曹匏繫終何依男兒
有足不立稿尺鷃大鵬俱飽飛

遇大雷作

去年二月驚雷發毒虺噬研血中裂今年二月驚雷
發高棟承雲忽摧折莫將悲喜疑天公野人自恨耳
不聾匡廬絕頂兒啼處塞瑾誅茅容老翁

綠筠窩卷歌并序

永樂間無錫華翁有綠筠窩九龍山人王孟
端圖之一時詞筆皆知名士後失之火翁五
世孫補庵先生復創窩竹間衡山太史為續
圖仍有諸體書諸君詩於後掩映斐亶極有
好致不佞少嘗醉窩中辱小友之目今此圖
與窩俱存而先生及太史不可復作矣因賦
長歌歸明伯志余感慨明伯其實有之

華翁之窩字綠筠第云不可無此君手種淇園三萬
箇一一青含太古文龍鱗陡擘穀後雨鳳尾直破松
稍雲為君傳神者誰氏醉潘淋漓走元氣敲戛猶餘

真文通用

公真未通用

元

八

虞

庚

上

支

先

上語

支

入

真

金石音縱橫不見龍蛇字此君與翁俱有孫琅玕肯

讓吾家門夾池檀欒借餘潤茂林風流依舊論阿戎

昔作童子游把臂三日山中留卷頭雖失王大令眼

底復得文湖州文君妙手稱三絕墨池片片墨瓊屑

已教春雪拉前賢况是秋霜同晚節此圖再更人再

徂恍然若對黃公鑪未窮塵代滄桑事嵇阮于今不

可呼

後園碁歌贈李時養

燕中國手顏子明十年坐制中原盟永嘉髯鮑故前

輩句踐自老江淮兵橘叟銜龍孽空去却墮燕中小

侯里人云兩雄不並立何得生顏復生李李郎十指

如懸槌欲入顏壘張李旗攻瑕陔合魚鳥陣拾子俱

成龍鳳飛拂衣遂走東南天一枰所指前無堅三吳

老将盡披靡何況紛紛諸少年二月桃花閉門雨隱

囊對君聊手語思劇憑摧石畔柯狂來不惜山陰墅

吾家積薪吾所師安用嚮汝低頭為燕公席上聞新

偈敵手人人知不知天下奕者當以顏李鮑三人為

戲成短歌調顧山人李狂

顧生慕君平九州已游七王生如少微五嶽僅識一

顧生謂王安足論七尺豈是妻兒身朝從兒耕暮妻

卷之十九

二十世紀堂刻

織鴻鵠高飛未啖人。生不見軍城酒罷街。鼓發獨倚
營門坐秋月。賴能高詠三五篇。不然一夜換汝髮邊。

弇州山人四部稿卷之二十

吳郡王世貞元美著

詩部

七言古體五十四首

再謝汪中丞蕙為吳邵武致知已之感

野人久矣甘雌伏。把向青冥擬黃鵠。欲銜明月報深
恩。眼底居然一魚目。濁水在地雲在天。安能使雲長
周旋。倘其流影不相顧。宛轉泥途誰見憐。吳生亦是
啣恩者。尤聞拂拭能增價。遠則江東醉步兵。近當席
上狂司馬。此生慷慨多楚吟。蹉跎白首逢知音。莫言

弇州山人四部稿卷之二十

世貞元美著

飽死渾無用，三尺要離徑寸心。

壯歌行贈沈嘉則游閩

四明之海一杯水，那能便滅男兒趾。北過錢塘泛震澤，處處觀濤壯心起。已許芙蓉作報恩，還將明月尋知己。君不見吳下王元美，君不見吾家好弱弟。雙披鴻濛萬古色，並卧白雪空山裡。以茲相對輒盡觴，慷慨悲歌泣數行。世間事事俱骯髒，身後人人歸渺茫。荆嶺初雲未覩白，燕臺落日居然黃。窮來捫舌恐不在，客處誇腰那得強。屈指諸侯太寂寂，唯有七閩紫氣凌穹蒼。閩中日日捷書至，白茅方印勞飛騎。轅門

上紙上壽

陽

本宣不云

歌

秋霜高瘴天，幕府春風在平地。中丞緩帶容揖客，將軍解衣延死士。沈夫子黃金雖如山，願汝唾莫視寸心。此際如有托，十口何煩向人計。低昂百氏銀不律，揮霍千秋鐵如意。沈夫子為汝歌，汝今當奈何。若過延津語太阿，人間未幾衝波去。底事精光出絳河。

郭帥致石子云為余小祗園三徑之資走筆志

謝

我不能學王武子，買地編錢作金埒。夜來三徑春雨過，片片桃花屐痕齧。君侯采石三神山，為余捨置祗林間。它時小隊元戎到，應愛青苔點地斑。

入居切啞 切啞 魚列

刑

短歌送袁魯望之南曹

汝南文彩世絕倫，紅顏射策黃金門。十年潦倒厭朋
舊，一日聲名動至尊。平津高閣中天起，多君不戀
平津邸。栢梁詞客凌雲烟，多君不和栢梁篇。自云一
疏更除日，建業青山落人握。未論詞林繼江鮑，寧甘
相府稱袁伏。我自江東退步兵，離騷美酒粗成名。謝
公大是經綸手，莫作空言登冶城。

贈華存叔鴻臚還朝短歌一章

相如不肯甘賈郎，賦成六傳游故鄉。太守前
考千秋詞筆增輝光，男兒致身厭凡格。又不
見華郎亦是文章伯，昨拜鴻臚奉使歸。門前皂蓋如
鴉色，玉壺乍乾歌乍停。銀河熒熒隔兩星，君星是使
我是客。回首浮雲千尺青。

歌贈張季子

吳姬奏絲趙姬竹，我道新聲不如肉。荆山一片秋月
圓，琢作張卿口中曲。黃鍾入調妖紅肥，玄霜變羽萬
綠稀。天雲黯冉疑不動，窈窕梁塵俱倒飛。筠纖小按
紅牙句，雙耳流來向心住。宛轉那禁里人哭，分明可
怕周郎顧。憶初相逢俱少年，狂呼醉舞春風顛。南冠
父困燕市，筑布帽却廢嵇生絃。此夜聞音獨悲咽，渡

陽

入陌取

青

莫天明髮堪雪空勞僧起壯士歌延伯雄心為誰發
歌曲轉高聽轉難黃金無情白玉寒君不見胡笳與
羌管至今兒女競長安

為錢世重題懸磬室

錢郎坐我懸磬室要我為作懸磬篇我歌欲就須斗
酒君言室中無一錢空梁頗受落月色北牕僅可涼
風眠門前黃葉霜如洗刺促歸來愧妻子已少成都
學士來祇饒東郭先生履挂壁蠨蛸寒欲墮當門鳥
雀時空自矜顧愷為前身丹青在手終不貧只愁
妙盡通神去依舊能生釜底塵

題周生所携花冊舊詩後

長安春日千花發千花色奪千門月醉後花傳詩裡
神醒來月向花前沒江南此夕真潦倒回首長安夢
中道欲與何戡唱渭城可憐才盡花亦老

游張公善權二洞歌寄孔嘉仲蔚淳父伯起幼
于兄弟

我昔攀天門下視九土青偶然咳唾忤風伯吹落江
湖成客星男兒生不能學向子平棄家游五嶽又不
能學袁夏甫坐卧土室中步武名山惜雙脚以茲欲
作二洞游跌宕不辭真宰愁培塿張公頽然土丘一

青
入質藥

線尔啟萬竒中抽陰風冥森下無際時見磔鵲仍鷲
亂差我中堂聳王柱的礫兩序懸鳴球白雲一歸不
得出石牀眠雲古時濕太始以來無日月燭龍銜珠
曜璇闕野夫出茲山兩足已如臍猶能賈餘勇對客
却籃筍玉潭濯皎潔瓊樹搵輪菌秋風興來骨欲顛
挂帆飛榜凌蒼烟荒雞一鳴至善權善權浮屠高插
天高插天國山山青不能鎖吳時碑隋時殿唐時松
栢夾道左陰巘盤擎白龍跡朱梁擘畫雷神火坤軸
兮自搖乾門兮陡開上有谿訝蚘螺之袪岷兮構飛
空之樓閣下有渾淳旬磕之流湍兮殷圻地之風雷

接睫燕蝠鈎衣莓苔空青乍明水碧闇赤瑕駁華黃
金摧冷然仙樂奏其底令我欲出仍徘徊揮手謝山
靈裁書報彭俞及示黃張二三子搜竒括秘須吾徒
自古名山在天地珍重能容異人至宛委雲藏軒帝
書祝融雨洗司空字張公之名經頗傳善權泯泯殊
堪憐我歌二洞汝當和烟霞吐色三千年

周孝侯廟歌

周侯廟貌江之干中天五六蒼松盤荒墳壘壘在其
下人云此地藏衣冠長橋瞥見濕雲合南山不散腥
風寒只言蛟虎祛除易誰道豺狼行路難不獨捐身

報 天子亦要將心對國士時危多角何處容事去
龍泉傍誰洗白骨猶令老氏帽赤囊翻助梁王喜男
兒一擲萬事伸借裁典午天沈淪生吳死晉君莫問
千秋豫讓為何人

贈別燕山蕭君之蘄州守

蕭郎自分百里權青袍陸沈十四年寸心抵折吏民
上尺書不到公卿前時時却過王生里謂言磊落當
如此縱然未得二千石依舊杜陵一男子昨者忽騎
五驥驄別我要我歌楚風皂蓋逶迤挂山月玉壺旖
旎酣江楓看公一身俱意氣文苑仍須傳循吏長借

于今饒政術次君到底存交誼黃金鑄身難鑄心臨
岐慷慨為知音大夫故有蘭臺思欲問王生何處尋

梁長子自泰山歸以百三十韻詩見誇因成俚

歌奉嘲

梁伯龍真龍伯自從釣鰲忤上帝壓之尚餘三百尺
笑語王先生長者所苦為杯捲男兒失意則蓬累焉
能委身眉睫間北渡洪河東游泰山舉頭出天門舒
手捫日觀白雲封中起袖欲割其半嶽帝不敢呵玉
女一咲粲是何魍魎來令我山靈怖欲竄梁伯龍醉
携金壺汁倒翻王女盆詩成一千三百言千三百顆

明珠圓長吟短詠不肯眠西風吹骨骨欲顛其若囊
中無一錢王先生為汝作詩券減之一字一匹絹天
公籠統無月日買者為誰復誰怨梁伯龍勿懊惱婦
來從容問若媯東家侏儒日苦飽長者不呆真是寶
張伯起作懷賢行念予與彭孔嘉病中有日日
禮醫王語戲作俚句為答

今者歲閏愁黃楊又聞處士星無光彭翁病消走病
疴張君日日延醫王醫王耳奪世人口世人欲殺君
獨否竭來攬鏡忽大笑髡黔荆劓無不有朝供一菜
粥一甌東書萬卷從蠹謀鮑家累句時觸吻肯共花
鳥爭春愁世人視我贅疣耳於中近得希夷理八百
年後君自知斷不相從老彭死

贈松墟上人

阿蘭小結長松邊松風吹鼎茶浪圓朝籤藥果時廢
食夜誦蓮經恒不眠并刀築頂碧香發雙瞳剪破面
裁月聽將半偈了自知會取西來向誰說鷓鴣貫酒
春相過生公石上好隗俄莫言陶令生耽醉自是禪
機醉裡多

善果寺杏花下歌

君不見杏花東風得意時曲江千枝萬枝雪爭如阿

蘭若邊一株樹獨立亭亭媚春月欲言不言如有情
欲墮不墮態自生輕盈乍怯霓裳舞婀娜疑驚玉笛
聲清尊綠酌催未已翻遣窮愁醉中起萬事玄都觀
裡桃一身安豐道傍李片片飛花點接羅牆陰覆井
日平西酣來一枕江南夢莫遣流鶯恰恰啼

支郎歌

支郎逸氣不可當少年俠客荆飲裝千金豈惜結劔
士尺帟遂欲收扶桑偶然失意去府主賣藥長安大
道傍為飲真人上池水竭來供奉金門裡藥囊手提
燕慶卿刀圭立起狎太子慷慨莫謂秦無人鄒侯吹
律天下春雕弧左射白額虎明珠逆摘驪龍鱗此時
支郎叅石畫男兒有心人不識一字能迴日月光片
言坐致雷霆力我亦曾師滄海君中年麋鹿更為群
北風一夜吹我出淚落平原原上雲鷓鴣脫向陽昌
肆欲與支郎暫時醉眼前豪傑君自知羞殺桃花五
陵騎

野人歌自嘲

鷄鷄畏鐘鼓魯人不肯聽三日饗東門栖栖竟何營
白魚自稱龍豫且搔其手蠹尾短鐵鈎胡為在若口
人道野人無所干曾騎款段客長安人道野人有所

求白雲高卧僧房幽野人雙足頓如繼野人雙鬢半
成雪杖頭沽酒錢欲盡袖裏投書字將滅紅塵風吹
大道間若個不作紅塵顏老鷓啖盡腐鼠骨始信鶴
雛心自閒

南岷山歌為御史大夫南充王公作

君不見古皇鴻濛時參井星精夜墮地化為南岷山
山高八千丈力奠金維控西裔芙蓉片片青霞疊中
含太始以來雪九井遙吞灌口烟三峰倒映峨眉月
騫飛鳳儀蜿蜒回龍傍山名星斗夕虧風雷晝封挺孤
碧之峭削鬱群蒼以龍嵒下有寒泉漱芳玉誰云出

入次竟通用
含雪通用
如

與

庚
入百取

山今泉瀉瀉作嘉陵江水散日夜潺湲映天綠山人
少時此山居薜蘿裳壁雲儲昏時吟蜀肆君平易不
著臨邛司馬書北山無猿鶴東山有蒼生以茲拂衣
出聊作應世行為雨為雲潤七澤屹然豈負茲山色
麟閣今標如礪功龍門復表回瀾力南岷山何足擬
從茲以西二十四萬里岷崙中天作天柱山人之名
亦如此

題僊巖文丞相祠

丞相倉皇出虎穴夜半真州鬢成雪江南是處萬馬
塵海上堪揮一腔血丈夫變名難變心此心在宋不

身身從行少年四五輩，個個個個千秋荆聶倫。崕山波腥
鼓欲死，柴市星寒碧。初委若使黃冠自北還，猶能赤
幟從東起。僊巖之山鬱嶙峋，二百年來日月新。毋論
削跡勤王地，大有衣冠薦芷蘋。君不見真人奮淮北，
金戈立掃擅秦色。鄂國喑鳴表後身，瀛公宛轉留遺
息。解道狂胡運已微，只今白羽書長飛。鐵衣自風石
馬汗，一夕犁庭轉戰歸。

崑溟歌贈楚人曾生麟兆

我聞西有崑崙山，山高不可測。天地垂欲合，又聞東
有大溟海，海深不可測。日月所出沒，元始丈人竅。瀛
濛搏揣兩炁為兩雄，上有玉京下三酆。直僊靈皇之
所封神，鰲背負玫瑰。柱燭龍口作玻璃宮，嗟嗟丈夫
乃在世間齷齪。那能言我欲抗手，如鳥奮籠我欲振
足如獸觸藩。飄然凌虛出紫垣，八景玉輿三素幡。童
亥為嚮導，造父為乘軒。白鴿血腥豈足洗，蒼虬翼在
時騰翻。焉知身所詣，但見歷歷千白榆。舉頭若可捫
崑崙城，何森切光彩。一何凌亂時，聽嘈嘈聲天門漏。
銀漢玉女碧綃冠，芙蓉粲然半啟含。桃紅為言此水
既東逝，劃作雙帶橫。囊中一月一書附赤鯉，但逝不
返如秋蓬。咄哉恨殺扶桑公，殷勤語王叟。掉頭忽東

去下見扶桑公其居半雲霧醉我玄霞漿三日不得
語一語一淚零淚下如懸河天老恠相假遂無西逝
波扶桑公可柰何曷不學王叟耿耿徑寸間揮霍宇
宙若彈指五嶽五拳石四瀆四杯水道逢楚狂人自
稱崑溟子問余何方來又復問所以崑溟子汝亦知
南溟有魚名曰鯤鯨之大不知幾千里化為鵬鵬之
大亦不知幾千里鮫宮水擊白波立羊角風搏黑雲
起朝從南溟游夕宿崑崙崙崙吐噫吁戲男兒變化竟如
此

雨中痛飲作

長安城西一畝宮儘可逃名藏白首鞋底風塵多自
誤壺中天地何不有枝頭浙浙掃鬱蒸雲脚垂垂打
清晝但令吾黨鯨鯢吸任它大陸鮫龍走竹林自昔
未逢僧蓮社于今方縱酒已滿七人那用覓即眠千
日非云久才聞抱甕便舒眉除却傳杯須袖手鶴埵
聲哀焉足聽鴟夷腹大唯堪受彷彿似有辟書來此
物毋勞挂吾口

夢中得語云百年那得更百年今日還須愛今日
因戲成短歌

化人宮中百事無道書一卷酒一壺枝頭黃鳥聽作

曲西山白雲看作圖朝愛朝暎上東岫夕愛夕陽映
東牖任他故人不通謁任它朝事不挂口偶然案頭
餘酒杯偶然躡僑山僧來自斟自醉當自去禮豈能
為我輩哉昨夜憎騰意超忽竊時得語醒時述百年
那得更百年今日還須愛今日縱能拂衣歸故山農
畊社劇亦不閒何如且會此中趣別有生涯天地間

海嶽壯游歌贈周子

周郎一笠輕九州拂衣自稱海嶽游安期拍手子晉
笑洞府豈必非君流青精暫裹天上飯黃金或散中
原愁總道乾坤少親故揖余欲得烟霞句西出應題

蓋蒼白峰東歸好挂珊瑚樹君知梅尉有僊骨當時只
傍吳門住

酒間贈何翰林良俊

昨遇何翰林宛如李供奉離披宮錦袍錯落瑠璃甕
自言長干嬌小娃織纈玉窄乾紅鞵袖攜此物行客
酒欲客齒頰生蓮花卻謂齷齪子但飲莫相詫令我
身後名令我作僕射不如且共此一杯人生有情良
快哉諸君倘過長干里雙蛾掃盡黃金堆

題友松園為尤生贈朱君

此君似是陶隱居愛聽萬樹霜風呼生平磊砢誰與

許州山人高卷之二十

麻

太極詭詐

次

莫虞

青 質

徒大兒天門五大夫小兒少室雙虬鬚
先生畫手如韋異為寫生綃助蕭瑟
倒幹橫穿太谷雲輕陰坐障徂徠日
琥珀作脂玉作苓僊材徃徃能通靈
野夫手荷長鏡至指取高堂千嶂青

九龍山歌

昔我游茲山探瓢酌春月空色眉宇明
清芬齒間發蒼虬舞月月未殘青鸞
嘯風風欲搏白雲洗盡太湖出人烟
萬井梁溪寒此圖此記為誰作讀作蕭瑟
嗟峨眼中過彷彿如聞梁甫吟君不見
九龍山深一龍目

褚河南文皇哀冊歌

長安城頭日中暝萬戶呼天哭髭聖
椒房總推太尉公掾筆卻付中書令
爾時玉匣歸蘭亭如獄寶劍埋寒星
賀拔雖亡宇文在此冊居然見典刑
巧若嬋娟態相媚拙若老將藏餘銳
讀罷疑瞻天日姿看來尚挾風雲氣
功名真主詞良臣千秋呵護當有神
不見昭陵六石馬至今雷雨汗長新

題文與可畫竹蘇子瞻詩後

石室先生岷峨英指端宛宛八法精
墨池寫出淇園青雪堂一老寰中豪
胸中屈蟠金錯刀渭濱派作北

太敬公德通用

青

太真公承

真

庚青通用 豪

真 陌 取

春 陽

蕭

東 冬 通用

海濤天生兩奇令相值半幅生綃闢秋色長離翔空
舞一翻黃金鈞坐令篋笥烟雲新寶之者
誰緹山人

題海日圖贈劉司馬

天鷄叫沈碧金波騰太陽煜若萬珊瑚迴光射扶桑
中有三老人白髮何昂藏競手海屋籌蕪携華封章
昔逢百六天地荒長鯨吸海海欲狂一書盡護諸校
尉片檄立散千餘皇功成肯落鷓夷後酒船茶竈無
不有葵藿雖懸捧日心衡荆且袖澄清手蓬萊僊人
王子喬中年飄落仍萍漂挽君鵬背且轟飲看君水
擊搏扶搖

題蔡端明蘇端明黃太史米禮部趙承旨墨跡
後效少陵飲中八僊體

君謨郢斲何太工宛若老將藏其鋒即論草草無凡
踪嵇生土木金焉蒙書家謂蔡士偶蒙金眉山命態嬌且豐阿
環玉膚雙筋紅酒酣斜捲霓裳風爾曹往往論纖濃
莫云墨豬豬亦龍書家謂眉山墨豬豫章骨立兒作翁踉蹌
獨上峨眉峰翹足下瞰中原空不辭墜拆蒼藤封襄
陽翩翩趨若風錦衫危帽青驪驄跳盪百戰無衡鋒
耳輪躍刃足躡空當時昂立難為雄筆塚處處騰秋

虹晉鬼夜哭悲途窮吳興指端天與工墨池墨潘蟠
胸中燁如威鳳翔岐豐山陰之宗誰大宗王孫隆準
真乃公

過邯鄲呂翁祠

昔時盧生道邯鄲干謁不止恒苦饑行逢呂翁為歎
息授之一枕同龜茲出入將相五十載覺來黃梁猶
在炊檀槐共鬪螻蟻穴蕉鹿展轉令人癡我方夢醒
出塵境胡為復逐東風迷汗顏強拜此翁像拂蘇自
讀唐人碑誤傳茲事屬劔叟不識開元年為誰石鑪
灰燼燕遺矢粉面龜坼蛛垂絲兒童戲偷鐵屈成鳥

支微存通用

鼠爭穴青琉璃呼茶一啜槐影淨黃冠三四前致詞
乃聞廟貌出妖豎彼豎軒帝稱天師鼓脣立噓寒暑
變彈指能令河嶽移漁陽石媚琢鼻鼻尚方金軟鑄
呆愚北門學士促草勅南省尚書稱奉祠天開電掣
妖倏滅香火豈復前朝時此翁亦作邯鄲夢若遇盧
生翻自悲我從明日挂冠去蝴蝶由他知不知

漢女行寄張助甫

漢帝惜傾城雙蛾當三千偶然轉盼失顏色燿如流
波墜九天阿監搖脣婕妤笑看取它人領光耀寶鏡
羞窺永巷身銀燈望斷長門詔我從選部識張卿天

先
太
庚

卷之二

春

入葉

刪

者

支

上紙上尾

友

下紅顏俱却行。片言進退群公坐。一字低昂千古名。
 不合文章犯牛斗。也學吾曹厄陽九。扣角敢唱龍蛇
 歌。折腰自稱牛馬走。當時廣平百不憂。謂言茂陵將
 見求。金魚豈羨鵬鳥地。黃鶴獨喚蒼梧愁。三楚寒帷
 穀赫燁。百城墨吏秋霜懾。故舊俱傳勃海書。何人為
 發中山篋。即今龍卧汝潁間。杜門日翫浮雲閒。但令
 班女重升輦。爭道君王不賜環。

登卹叢臺有感作叢臺行

卹叢臺已非舊。請說卹叢舊時有。吳家倩女若乍
 榮。和氏連城月初剖。臺上奏伎卹卹姬。臺下拔刃卹
 卹兒。街將恩去身俱賤。報得讎來主不知。君莫謂平
 原好公子。三千去後應無幾。堂中客傍信陵門。軍前
 士死長平壘。叢臺不盡更檀臺。回首豪華安在哉。自
 是魯連東海蹈。千秋白日聳蓬萊。

長短句調子與補楚臬

天目山人戀山住。天目之神訴上帝。徃者先朝時。此
 曹落魄不得意。搜剔魍魎調弄元氣。令我刺促竟歲
 無時。寧胡不驅之向燕京。燕京酒價一夕增。七貴王
 侯倒屣迎。吹噓天路寒暑出。指顧閭闔風雲生。故人
 見君面。移尊日歡宴。少年見君詩。下帷日吾伊。忽聞

除書喚依然舊銀艾節度唐麓官長沙漠天外銀艾
笑君雙髮絲髮亦笑君銀艾遲腰如枯棧項如磬安
用馮馮大腹為為汝歌汝為舞但使文章不後玉斷
令名姓能張楚男兒失意一生得意一生莫悲彌衡
莫吊屈平若云流放比君甚千古不斷湘江聲

歌贈穆員外

穆生不惜王家醴却惜申公困胥靡自言一寸已許
人六尺何妨為人死白書閭闔風雷寒解衣為掩血
肉殘即賣脩行里中策還懸神武門頭冠手挽柴車
出西郭朝煮舖糜夕湯藥已拚同日效左儒差比空
山勝羊角濁漳河邊逢石郎哽咽為我談行藏此身
係穆不係石欲報滄海恩難量君不讀西京游俠篇
東京黨錮傳若曹名使那足羨男子酬心不為君比
風立洗青天面

栢葉僊人歌

栢葉僊人不須字栢葉殮成朝上帝昨者玉京高宴
歸却遇劉安守天廁讀書刺促生不休偶然真籍誤
見收赤明龍漢微茫事說着群僊總掉頭

山西丈夫化為女子

萬事反覆那足齒山西男兒作女子朝生暮死不自

知雌伏雄飛定誰是謝豹曾聞受朝謁於菟亦解談
名理渭南巾幗不可呼此曹變化無時無只今齷齪
不能去羞向人間喚丈夫

故東郡太守翟義為漢誅莽不勝而死其事甚
偉而郡人不知祀之余始請祀於名宦祠為作

翟義公歌

東郡太守翟義公欲噓炎燼為長虹皇天未啟赤符
子一寸血作千家紅汝南殃及枯骨冢濮陽改築鱸
鯢宮中原掩耳宣大誥偷淚自詠平陵東侯王吏民
四十萬何面死謁隆準翁昆陽雷動虎蹤滅太液波

東

沸蠅聲窮高廟不請政君罪靈臺但書列宿功祗今

魏守祀名績俎豆不載何其蒙爾曹只知狄司空近
聞依稀田侍中世間萬事在反掌成敗那得論英雄
椒漿一灑千古淚靈旗忽若搖空濛憶昨彭城過庶
里里中老人誇大龔漢家九鼎二子在嗚呼豈係桐

江風

定州畫壁水二堵妙絕天下望之若真水起伏
潞洄有浩漭萬頃之勢州志謂為吳道子畫非
也寺成在道子後百餘年余歌以暢厥美仍為

志解嘲

栢林寺中千株栢，蟄月寒虬怒生翼。誰為吸盡西江
 水，一吐阿蘭雙素壁。永夜旋愁牛漢翻，中堂陡見龍
 門闢。更疑滄海浴日初，不斷瀟湘帶天色。鳥王睥睨
 饑欲動，娑竭蜿蜒避無策。釐毫欲捲阿耨耨，枯醉瀋橫
 拖鷲頭碧。恠無蘭漿為穿進，縱有并刀剪不得。寒聲
 颯颯生清瀾，令我三日欲卧觀。借問畫者誰，畫筆勁
 似秋鷹搏。無乃孫知微，定非楊契丹。試披圖經讀，謂
 是吳道子。此寺此壁天福始，開元之人人已鬼。只今
 何限丹青師，好手吳生那得之。君不見唐朝葉道士，
 攝魄為寫松陽碑。

齊河行與于鱗醉別作

與君痛飲齊河頭，齊河萬魚皆溯游。十年再廻日月
 照，千古一散乾坤愁。胸中雲夢各爭吐，眼底邯鄲焉
 足求。玉壺未缺如意怒，葡萄欲乾鑿落憂。我更起作
 鸚鵡舞，那得不與鸚鵡來。醉時抗手城南路，大陸青
 蒼莽回互。國風一延州來春雪三周華不注吳綸
 鄭縞各言好，趙璧秦城總相慕。路人聞余言自疑，沾
 沾者誰令人妬。天下模楷李元禮，江東獨步王文度。
 薄暮同諸君，游紫雲洞。

手扶藤封踏斜日，窈窕玲瓏石為室。幽泉伏竇涓不

支

真州山人集卷之二十
十九世經堂
枯半壁噓雲裏難出野夫絕叫稱大奇為君痛醜三
五卮醉即今宵解衣卧祇畏此中猿鶴疑

長星行

長星勸汝一杯酒汝是君王掃愁帚若令帝座長不
移此地猶為伏羲有茂陵劉郎勢絕倫五十餘年徧
採真欲覓蓬萊何處是不如歸擁李夫人

酌孫太初墓

死不必孫與子生不必父與祖突作憑陵千古人依
然寂莫一杯土道場山陰五十秋那能華表鶴來游
君看太華蓮花掌應有笙歌在上頭

道場山絕頂望太湖

危閣聳層巒松濤五月寒大湖十萬頃斜浸碧闌干
杯中映潑泪檻外騰超忽迴光競千鬣窮島迫一髮
青天不道向外生白日如從此間没三萍漸近三餘
皇便欲呼之汎渺茫縱然未入林屋去且指包山尋
故鄉

立秋日旅懷為陳人體

冉冉彤雲送火輪脉脉銀漢寫金旻曲裏清商才入
破腕中團羽不成新身如合浦初黃葉心在江東欲
紫尊耐可辭鶯友那能逐鴈臣

真

寒 介 阳

塵上声

真 春



丹州山人四部稿卷之二十一

吳郡王世貞元美著

詩部

七言古體四十首

歌行長短句題橘軒卷後

昔有蘇耽君丹成不肯去乞取巴中老龍唾餘核化
 作江陵紫霞樹鑿井蘇君陂下通長業所食之上池
 一杯復一葉千人萬人却杖歸其後八百年陸翁手
 種樹乃是翁家鬱林太守之所懷聊採僊君名用以
 顏其齋翻然渡淮水不憂此樹化為枳曹藥長安中

太師遇

佳

上紙

丹州山人稿卷之二十一

八取

元寒

東冬

攜壺汝南市。交州意。讓功力。魏苑葡萄失顏色。丹
 苞瓊瓠崖蜜寒。坐令消渴蠲文園。何以報汝披琅玕。
 雲舒錦粲龍虬蟠。更後百餘年。有孫髯叅公笑謂王。
 子腐史何庸木奴千頭以當素封。密如寶此卷。洞庭
 秋霜篋笥中。

余作此歌題橘軒卷。因有一雅謔。附上髯叅
 公昔蘇僊翁作橘井。其裔孫長公學士草陸
 吉傳。似為陸氏張本。公家鬱林太守。懷後乃
 復有橘軒。繼僊井之蹟。然則蘇陸二氏可稱
 累世通家也。髯叅公能無一笑粲否。

贈沈郎歌

閭門昔時花滿烟。沈郎落魄美少年。玉壺醕酌春風
 前。吳宮粉隊人三千。蘇張舌底藏嬋娟。艷魄月落紅
 淚蕩。鳴雞不斷盧聲顛。問着牀頭無一錢。酬心未了
 雙龍泉。中年顧景忽自憐。坐使萬累空中捐。中丞高
 齋學士筵。烏衣諸郎時見牽。禿衫踞坐風翛然。當尊
 雅語真珠圓。醉時有神醒不傳。興劇便就東家眠。石
 湖虎丘花月天。手提鷗夷呼趁船。小景幻就菖蒲箋。
 丹青自許前生緣。文君藜羹甘入咽。肯從方朔割瓊
 肩。七尺不受朱門權。人鳥山宮多酒仙。吾與沈郎俱

刺員不醉且誦逍遙篇

題孺山書屋圖

石田老人富丘壑湖雨嵐烟筆端起江南佳麗到不
乏吳興諸山若個是書聲雜出飛瀑外高枕時橫白
雲裏人云絮酒來南州此山名孺成千秋尚書讀書
此山頭書成出柱中原天歸來賴玉圍腰圓冰心不
愧南州賢出山住山俱偶然有足肯踏終南顛

題懷素千文真蹟後

禿師少來負書顛芭蕉萬葉凝松烟自矜二王無我
法懶與融師稱小錢鄔參軍語釵股折張長史筆驚
沙翻夏雲漏雨各自態寒猿渴驪俱奔泉垂一千年
龍劍出過八百字驪珠圓缺一百四十一字母論貂
尾貴難續即賞虎賁神不全戈法宛然自堪辯司空
縱似亦可憐紫微初入六一舫彩霞再墮剡溪舫河
南哀冊右軍札白虹三縷騰奎躔墨池餘債倘未了
伴汝游戲終殘年

歲暮行送周公瑕應聘北上

歲云暮矣霜風吹周子束裝問江北閭門羔鴈俄已
群薊臺驛驕歛生色碣石天高別築宮平津月照新
虛席即辭太傅先奏記又道司空勤見辟兔苑留裁

入我陌

上藏

上虞

上客賦鴻都待灑中郎墨自吳詞客推彭年周子聲
價相後先中原驟得王李法秀句欲柱東南天子墨
客卿晚來貴白雲先生神與傳吳興練裙殘半幅
山羽翦爭百錢雞林雖買舍人句狗監不薦貴郎篇
以茲卧病桃花塢首荷瀟瀟映環堵隻字能飛鴻鴈
外六尺居然蛙黾伍時來莫採南山薇吾鄉故事知
者稀君不見先朝白首文供奉小入蓬壺旋拂衣

吳虎臣謁予兄弟吳門將北訪于鱗且云欲與
汪中丞伯玉共建維摩精舍賦此贈別兼用示
朝

八陌

蒸庚

上廟 麻歌

入取陌

吳郎嗜酒好詩雅成癖千金散盡家四壁巷譏室謫
了不關瞪眼模糊向天白自云得尚汪中丞所願更
識歷下生王家兄弟亦不惡四子者片語足定千秋
名以茲杖策來吳會擬踏天門望滄海白雪呼來片
片寒青春醉後堂堂在中丞晚節師維摩一宅施為
宰堵波吳也自稱大檀越其若囊中羞澁何顧余亦
有王珣宅為君布金不盈尺莫以莊嚴願未酬蓮華
會上低眉色

普晦去更為道人為伯玉中丞募建肇林精舍
值歲儉鮮應予辭晉臬未上聊出餘俸助之走

筆短歌以贈

我欲效法施本來無一法我欲效財施匹如病阿育
一頗黎果作檀越汝今辭吏我辭官芒鞋共踏春山
寒化城原在中天裏始信娑婆看脚難

吳門錢叔寶為吉安龍君作春江圖予為作歌

題贈

東風吹花繪吉州江學城頭吉字流鳳凰嶺上挂飛
瀑片片併入桃花湫春雷喚龍龍欲起吸霧騰波幾
千里明月猶銜額下胡蒸雲却化鱗中水東游揚子
轉入吳洞庭君起錢唐趨已看崢嶸露騰躡豈少潤

澤田焦枯錢郎畫君在阿堵點着君應便飛去曲江
紅杏紅刺天是君為天行雨處

大中丞濟南谷公家近滄海因署別號見志尋
聖聰簡眷開府吳越東南諸海復在四履故吏
王生嘗辱公國士之知乃屬吳人錢叔寶為圖
而歌之

海為百谷王蒼然帶燕齊燭龍張眸七曜奪巨鰲頰
首三山低迴風疊浪恒蕭瑟錯落珠璣閃蛟室蜃氣
晴嘘析木雲雞聲夜喚扶桑日萬古長容天地輸九
秋不動魚龍都明公弱冠傍海屋已下鐵網鈎珊瑚

上紙

虞
太極

入

虞

偶得浮槎名貫月直汎銀河叩星闕帝女壇前五白
茅天公詔底篋黃鉞可但宗慤乘長風東南自此戎
烟空三千犀毗水組練五百魚麗雲艨艟昨者明州
大計吏樓船捧觴伏波跽已傳淮水縛長鯨復道越
裳來白雉如逢召寫漢麒麟中國須歸有聖人借問
誰謀渤海對王生元是一波臣

休承在湖學以此十五幀見寄瀟灑冲澹故不
易及因題其後而藏之

湘笈秋山開刻藤墨龍舞得君十五帑可敵城十五
當其適意時筆所未到意已酬問誰圖者復誰氏十
載重覩文湖州

臨江二王帖歌

右軍正行妙入神大令破體皆天真墨池一派流不
斷萬古誰步瑯琊塵蘭亭之胤何紛紛片帑幾盡江
南珉只今諸帖重淳化奚家墨審猶如新李懷琳手
王著眼珉珉遂混連城珍臨江選石最精絕二王以
外知無人麝煤輕拂薄蟬翅苔文細暈生魚鱗高帝
子孫盡隆準坐使重儻那得伸寶船再墮野人手貧
里于今知不貧牙籤玉軸小貞觀雄飛雌逐家延津
明窓響榻日再過縱拙肯作平原筋

入陌取質

定武蘭亭真本歌

髭龍蛇骨咸陽陌。玉匣千秋閱神蹟。天憐墨派不欲
湮。為掃中山一片石。樂論黃庭總非故。褚臨馮搢知
難敵。隆準雖稱高帝裔。赤符自許真人獲。面面看來
俱是態。頭頭勘罷無凡格。似從天骨見風流。小展驥
群爭辟。易世人耳觀論肥瘦。飛燕阿環俱國色。一字
能開八法先。分身立作諸家式。陳家老叟似北禪。趙
吳興乞不可得。幾三百年落余手。更數千本誰其匹。
玉燮金題豈增貴。連城照乘難為直。野夫黠澹一瓣
香。相携去訪山陰宅。

經封丘記故尉高適詩有作

我行長夏之封丘。紅塵罨汗汗不流。東鄰苦酒苦於
藥。西舍濁醪濁似油。馬頭黃綬令勿跪。恐有當時高
蜀州。拜迎官長亦細事。鞭撻黎庶將何求。一官大小
各有味。不置齒舌應即休。諸君異日但北首。看我歸
騎凌清秋。

過長平作長平行

世間恠事那有此。四十萬人同日死。白骨高於太行
雪。血飛迸作汾流紫。銳頭豎子何足云。汝曹自死平
原君。烏鴟飽宿鬼車痛。至今此地多愁雲。耕農徃徃

上紙文

九

神州山人稿卷之二十一

入陌

夸遺跡。戰鏃千年土花碧。即令方朔澆豈散。總有巫咸招不得。君不見新安一夜秦人愁。二十萬鬼敲啾。郭開賣趙。趙高出秦壘也。送東諸侯。

張幼于惠臨洮賜硯歌

蒙將軍掃中山敵。歸向臨洮斲地脈。刊出堅珉三尺碧。祖龍爪端五花黑。一時漆合毛穎交。千古泓開墨君宅。臨洮金人血中土。天畫此石歸沙磧。歙州龍尾近足致。端溪鶴眼新堪惜。淳熙主人睠西顧。玉堂書草平胡檄。中涓但覩天顏喜。學士驚傳百朋錫。小擊疑聞泗濱磬。捧來似剖藍田璧。宸章姓字刻琬琰。烟霞不散烏皮席。後四百年。見誰在。楚人棄弓。楚人得。張生豁達烟過眼。王子貪饒咽生液。嗚呼右軍風字世不見。令我青箱久無色。珍重題詩一報張。夙生或結詞林識。

高克洲溪山雪霽圖歌

丹青筆長意苦短。帝遣營丘寫清遠。范寬老死克明在。與乞天公舊時腕。三絕親教聖人贊。七尺不嚇侏儒飯。玉堂供奉寒歲粧。瑤花片片墮瑤池。朝回小閣畫柱笏。却憶溪山初霽時。羲和鞭輪逐滕六。飄瞥差裁壓茅屋。擺脫千枝萬枝白。洗出三峰五峰綠。陰崖

太願霞散翰

入屋沃

猶冒太古絮陽壑爭傾片時玉枯槎頂禿瘦骨愁小
 艇不散風颺颺長年袖手喚不起疑是興闌王子猷
 狐帽蒙頭看山坐骨拙煨鑪酒權大縱無灞陵驢肯
 詩肯作長安被中餓乾坤為奕揚清輝萬象賈勇精
 神飛興來毛穎縱橫出一點一綴皆天機欲知真宰
 愁絕處此翁盤礴初解衣吾家愛弟饒畫癖購得圖
 看三歎息毋論骨格超馬夏勝代何人辦焦墨虛堂
 把翫六月寒指端秀色來眉端便欲移家此中住徧
 踏瓊瑤天地殘

題王晉卿烟江

平圖蘇子瞻歌後仍用蘇韻

千濤躍江千疊山晴烟籠山山吐烟與君柱笏聊騁
 望但見一氣長蒼然細看雲腰出矮屋復有木末奔
 寒泉漁網迎陽胷小港布帆吹籟彌平川王家禁鬻
 得此景骨格迥出荆關前胸中八九小雲夢筆底萬
 頃滄浪天眉山學士高興發秀句欲奪春江妍以茲
 不愛玉堂美去買陽羨山中田此圖此歌有神護小
 住人間四百年摩娑絹素開黠淡飛舞醉墨藏便娟
 卧游齋頭一展看恍若身對湘巫眠鼎湖鬣挂都尉
 去學士亦作芙蓉城內僊鄒陽後身薄自曉舍我誰
 結三生緣嗚呼江烟幻滅在俄頃萬古不廢王蘇篇

世經堂集 卷之二十一 九
世經堂集
黃山歌題叔寶畫贈新安吳孝父

吳生方袍白綸巾，顧我自謂黃山人。
彭城錢穀畫絕倫，復與黃山傳其神。
此山雖小據地春，根壓天目排秋旻。
三十六峰玉突兀，千一百仞金嶙峋。
廣城授丹軒，鍊至今草本含陽春。
病夫投袂見起色，擬踏青鞋尋隱淪。
人言吳生不復此山住，大編峩珂五湖水。
前者長干一醉歸，囊裝盡付金陵子。
已同嘉賓令財盡，復慕瑯琊為情死。
真州橋邊酒似油，長卿去逐文君游。
壁立猶存上林賦，衣單不典鸛鷖裘。
此山猿鶴夜啼怨，其若吳生方掉頭。
嗚呼人間奇事不易述，宗生欲挾衆山歸。
吳生欲挾黃山出，男兒有心復有足。
安能兀兀窮巖守，岑木要使茲山長。
屬君吾歌與穀丹青筆。

戲題錢叔寶臨鍾馗移居圖

開元宮中鬼稱母，丞相中丞恣為蠱。
帝遣鍾君嗣黃父，逐鬼無功謫荒土。
山阿被羅者誰姥，攜雛索裝橫周路。
鬻體啾啾泣相語，夜半應煩老亲煮。
鍾君好往一返顧，木客跳梁山魘舞。
君不吾留稍安堵，與君傳神叔寶甫。
異日相逢莫相苦。

楚游歌贈顧季狂

上語

入質

上紙

九州山人稿卷之三十一

世經堂

季狂兩脚健於鶻踏遍中原頭未雪歸來細君席尚
 冷揖予又作青山別人生好游可柰何洞庭瀟湘秋
 欲波秋風蕭蕭楚游子若為楚舞吾楚歌我珂大編
 向荊州銅鞮女兒踏不休宜城酒滿三百斛爛醉來
 登黃鶴樓君莫問鸚鵡洲滔天白浪誰能識君莫問
 太傅宅過頭青草無遺跡武陵桃花縱自春其人往
 往多沈淪羊家開府汝府主有足那令驅避秦蘭臺
 大王風倏忽無定嚮巫峽神女雲却墮滄波上唯有
 衡嶽赤帝主祝融峰太嶽黑帝主真武宮呼吸神爽
 與天通頻視塵世如蟻蝶季狂子遨遊二帝間其樂
 不可言手持綠玉杖夜叩黃金門稱渴求沆瀣跪翻
 洗頭盆顧掃石壁琉璃墨汁搏弄元化真宰為泣季
 狂子聞汝昔時游武夷青鞋皂帽濃髭眉醉罵紫陽
 師盡揮橐中貲眾謂鶴背公或云狐父兒季狂子丈
 夫踪跡母太奇太奇徃徃來人疑何如還家共婦老
 看放黃犢春郊耕

錢叔寶過余作淺色谿山深秀圖長卷一時諸
 君皆有題咏居兩月叔寶復作水墨一卷見遺
 且云平生能事盡此矣展覽不勝窮兒之喜手
 筆此歌以謝

八陌取

上紙

入屬
太深

上卓

入錫取

錢翁五月踞余席丈八素皮寫秋色頓使牕頭開翠
 微復今篋裏流縹碧歸家逸興殊未已更潑苔文幾
 番帟擺脫驪黃見神駿洗盡鉛華出西子野夫那得
 不破顏此身如坐清冷間未損嘉賓一日橐買盡沃
 洲千萬山吳中好事家相屬得隴何人堪望蜀斷無
 雙月映連城或可崑岡矜片玉君不見先朝沈啟南
 勝國黃公望丹青一派流至今前輩風神說猶玉錢
 翁錢翁好自愛野夫欲作祇園障

沈啟南春山欲雨圖歌

千山坐失千巖縱似是帝遣雲君封巫鬟不辨青
 嬾華掌難撲金芙蓉已應羲馭走驕日或有雷門呼
 蟄龍天閭元氣漏不斷倏忽網緼二儀滿遠看隴樹
 春欲無近即庭花暝差緩村村麥苗俱望幸川川魚
 子希休澣欲雨不雨春山姿欲吐未吐胸之奇指端
 已覺氣出沒眼底尚鬱天淋漓丹青洗盡太素顯仿
 彿乾坤垂闢時誰為展助虛堂色悅有鮫螭蟠四壁
 摩娑帟素若未乾矯首長空俄潑墨野夫抱膝一沈
 吟襄陽耕雲雲正深亦知大旱為霖在終是南山隱
 霧心

殷司馬平廣西寇歌

平州山人稿卷之二十一
 十一世經堂刻

入治

上語虞

殷公文武邦之楨不學淵源空有名一歲再遷中執
法兼提六管嶺南兵如雲鵝鶴排千艦五色神羊映
百城征南將軍不穿札渡瀘相公單白帟軍鼓雷動
細柳營殺氣霜凋大藤峽任是蠻烟開羽扇還留漢
雨澆金甲狼兵錦鞬繡螭孤奪得生徃換酒沽早知
不殺稱神武悔自跳踉作後夫處處春田催布穀朝
朝列肆喚提壺千秋獲嘉縣重觀伏波不得驕銅柱
灘水灘和鏡吹聲鬱林花滿旌旗路遙望蒼梧雲正
蒼是公功成勒銘處

題嘗壽太醫邢生母

橘井汲後綠杏林種時紅此護復何憂年年領春風
珊瑚作枝葉作玉海人添籌壽出海屋八千遐笑應已
知生兒自是邢和璞

贈李生言恭

言恭常受詩於吳高州故戲之

清揚少年美瓊玖繁躡風流眼前有豈獨生能讀父
書吾輩新篇不離口自言於世無所謀能工五言窮
亦休近來此物太憔悴汝不見五馬禿盡豈不高州

趙松雪重江疊嶂圖歌

昔登江上山頗愛江上句天際識歸舟雲中辨烟樹
長風不起漁歌閒大鷁小鳥爭往還坐身突兀峭蒨

入屋沃覺

上春

太遇

長風不起漁歌閒大鷁小鳥爭往還坐身突兀峭蒨

表着眼莽蒼熹微間歸來舉頭觸四壁但覺膏肓有
 泉石誰洗丹青開墨素令我蒼翠流衲席摩娑舊游
 亦如此彷彿烟霞指端起山凹那當別有雲天低不
 辨誰為水吳興王孫妙自知不諱前身為畫師直將
 平遠茗雪趣寫出滉漭金焦竒老夫手挈盧敖杖更
 辨鷓夷五湖舫欲作寰中汗漫游即披此卷神先往

董村小隱歌

犬人卜築董家村村中風物宛可論董家猶稱孝子
 里丈人別作素侯門門前草沒車馬跡隣父雖過不
 爭席數枝慈竹溪上青二月墻頭杏花白蠶子欲帖
 千芳齊習習春風生杖藜人如畏壘無驚轍業學尸
 鄉不養雞有田七百但種秫釀得新醪如刺蜜穀在
 何須用虎防杏成任自從人乞有子策奏天人竒回
 頭却咲昌黎詩男兒遇酒即快飲人不識安用天公知
 吳孺子游人間僅一瓢後破書此慰之

吳郎手携

歌自云巢許同消搖偶然洗穎瓢破

向余不得驕男兒有身差足慰况乃生無向
 平累揖予竟作汝南游別有壺中貯天地

題大石聯句卷後

吳中大石一片石峯崿穹窿俱辟易芙蓉夕照千丈

紅明鏡朝吞五湖碧學士詞場老供奉四子講德皆
其匹苦吟石鼎聽蟬似豪氣城南鬪雞敵欲將八百
驪珠顆奪取三千龍劍色李姓太僕北海後此書謂
得蘭亭脉題押人人滿騫亞褒評字字袁昂直錢郎
畫手真自好三尺生綃拔山力已令中郎見典刑不
作無益難飾畫問誰購者復誰氏凌君夙抱臨池癖
掣得吳興白練裙換來曇璩黃庭蹟我歌此卷一相
贈前輩風流宛如識若到君鄉莫輕展恐壓岷山游
不得

歌贈程子孟孺

程郎少年雅好竒萬事不得勝臨池指端虹霓出鐘
鼎眼底負鼎騰虬螭有時屈筆作小隸薦季直表麻
姑祠東游吳會訪八法祝文逝矣不可追檐夫爭道
大娘舞屋雨痕漏夏雲垂此曹端豈為書出一觸萬
解吾真師小舒大密有竒際內擢外拓無專規老夫
強作解事語腕中有鬼奚以為程郎書成復自疑世
途徃徃輕毛錐縱然投筆要爾去倘寫百尺燕然碑

岷嶽歌題畫贈張中丞肖甫

帝遣鴻濛奠西極擘作岷嶽兩拳石南含女几萬疊
青下注岷江雙練白峰頂平懸日月觀泉端對寫烟

真虞

介棄

太御遇

侵

上紙

東

介易

霞色嚴道之陽絕紫金勾欄以往無白壁豈謂扶輿
 歇靈秀固知真宰鍾詞伯中丞昔時此中居麈尾為
 友龍蛇俱空庭種葯成書帶大鳥銜鱸非鰓魚銘就
 孟陽輸劔閣賦成得意薦相如南山猿呼北山鶴九
 折驅車亦不惡二華星窺一帳寒三江雪噴千帆落
 賓從如雲擁朝暮旌旗合還橫寥廓猶自踟躕思錦
 鄉尊鱸乍發步兵狂東吳王孫畫崇崇錢叔寶吳越王孫西
 蜀公子神飛揚杜詩天上張公子皆用太冲賦語初疑筆作蛾眉嫵
 便欲身依白帝傍野夫為挽中丞住不作中丞意中
 句文成赤松事已遠壯武青萍喜初遇况乃滿輿處
 處安何煩却返王陽馭

石公山觀日沒月出歌

我登石公山其顛據湖心東西兩輪對出沒東輪黃
 金西紫金紫輪冉冉破天碧羲和鞭揮六螭息霞使
 雲君儼猶扈金支翠旗光艷奕少選東輪際空起萬
 穎衝波波欲靡稍出為鈎漸為玦餘光如練俄如綺
 狂夫舉觴觴不空時有五彩行其中半嶺初收火齊
 鏡千家仍浸水晶宮咲謂此兩輪中藏赤烏白兔搏
 弄千古萬古今夕落吾手匹如宜僚能使凡上復凡
 下此湖自稱等溟渤徃徃雙眸際窮髮那知若木與

初

上勝

青

上養

春

入陌錫

上勝

上藏

扶桑只在三吳一杯潤若論鄒衍大九州更有諸天
千日月六合之外多可疑君但快飲莫少稽側耳徐
聽鳴天雞西輪欲東東亦西

汎湖風浪小橫嘲諸同游者

包山老人出山早老去忘却包山道曹子鬚髮再枉如
戟瞥見湖波驚欲倒烏衣從季酒不停少停一卮面
即青張郎畫手空自好閉眼不敢酬山靈季生北客
黃少年倚醉強作東風顛謾道洮陽能破浪從它安
石也迴船野夫翛然神獨往吾弟酣歌氣逾爽但使
人間無二王何人狎作五湖長

此翁篇再贈陸丈

此翁杯勺不近口種得林田都釀酒此翁杜門時避
席每留王生竟日夕咄嗟水陸俄滿筵罷飲蕭條仍
立壁自矜畫理妙通神肯挂侯門壁上塵青山到處
身為主黃菊開時家不貧王生夙緣真自好攜翁畫
歸還醉飽為問支硎地有無買田築室將從老

况子行答吉甫叅政

况子高眠藥湖干九日散髮一日冠眼前浮雲富貴
薄筆底白雪交游寒二千里外飛尺素十八年前論
寸丹男兒意氣當如此區區得失那足齒縱令罵坐

灌將軍豈有醜人羊叔子世上流言窮自定吾徒傲
骨生難已君不能揚舡下建康我不能張帆上豫章
長江浮沉恨書驛落月夢醒愁空梁豫章宗人貧孟
嘗余生少貴輸柴桑大兒文舉小德祖野鷺可似家
雞長君知犯斗雙龍劍元是吳工治後霜

柳公權行書禊詩後序卷

永和一叙筆神絕遺刻居然走千古興公文是擲地
聲安石詩為碎金語群賢爾時氣爭玉那應零落同
塵土絹素風神出豪鷲柳家新樣疇能覩鋒距寧登
由也堂委蛇耻效却郵步嗚呼開元以還骨格變誠
懸亦是書中虎不辭傾橐為買將欲傍墨池追定武
君不見魯男子矻矻可畏哉自云善學君之祖

孫郎行贈雲夢山人斯億

孫郎狀如紫石稜虎頭傳神謝不能衿裾潦倒頗自
厭瓦礫徃徃從人憎胸中一寸貯全楚下筆縱橫破
萬古白雪寒從郢里偏雄風高向蘭臺吐烏綸折角
屐齒傾入門小兒呼自驚少選長歌出其袖虹霓繚
繞天崢嶸若道孫郎不好名何得千里尋王生若道
孫郎好名者何不北走長安城男兒有眼豈在面世
途耳觀那足羨眼中之人君自見

上語塵

蒸
上語塵

太嚴

白石翁畫贈吳文定山水歌

君不見白石翁墨花破萬帑散落世眼中其間方寸
 地貯一太史公是時太史稱吳儂三載磊塊蟠翁胸
 太史趣朝天青雀凌春風有淚不作李都尉有賦不
 擬江文通直將三寸管五丈素寫出江南千峰與萬
 峰盡收蜀錦囊壓倒太史之奚僮絕壁直上高穹窿
 呼吸似足開天聰忽復下墜數千尺俯身欲入鼉鼉
 宮意者徑路絕乃有雲霞封萬古不盡流洗出玉玲
 瓏側耳將聽之疑是縑素間迸作群靈覆長飈無形
 百草靡茸列缺崩岬吐出恠松歷亂羽葆屈蟠虬龍

將崩未崩石似舞欲斷不斷橋飛虹迺有詞客酒人
 樵青釣童或騎蹇驢或駕解舫或躡螭履或策短屐
 高者穿木末若蜚鴻下者蹒跚勃窣如孤縱兩儀不
 能主乍闢而乍蒙二曜不定光倏西而倏東木棧與
 鳥爭道人家擬鵲開牕漸窮至杳靄但有去路無來
 蹤猶云帑盡意未盡亂石拳點波洶洶真宰泣訴神
 無功太史不能長將向天去流落人間成楚弓翁亦
 召主城芙蓉但令居士緗几上秀色欲滴青濛濛擊
 節董源隕涕關全筆底一掃傾宗工沈翁豪翰何其
 雄嗚呼隆準之孫豈必隆

白石翁畫贈吳文定山水歌
 卷之二十一
 世經堂刻

將抵潯陽戲作短歌

逾月不啖東家豬，又不及買武昌魚。橐中乾菜配濁酒，日日看山還讀書。男兒三十與闌懸赤帟，及至之官垂五十，欲辭白髮頭不能。縱脫青衫淚，堪濕為龍為蛇心。自知呼牛呼馬，那敢辭有書。且作老博士，得酒便喚高陽兒。

弇州山人四部稿卷之二十一

弇州山人四部稿卷之二十二

吳郡王世貞元美著

詩部

七言古體四十二首

廬頂放歌

匡續先生幾千載，周顛僊人安在哉。聞轂便喚竹林寺，見影頓築文殊臺。浮雲四起忽無地，舉足步步愁莓苔。吳越應從下方出，岷峨別向西天開。擬呼聖燈照迷去，更借鐵船凌漢迴。山僧一咲挽我袖，何如且住傾三杯。

弇州山人四部稿卷之二十三

世經堂刊

太霰

太泰禡

城西書屋歌為趙中丞良弼

使君不能誅茅汝水濱。又不欲踏汝寧塵。以茲但築
城西屋。買斷桃花三月春。使君讀書破萬卷。一上公
車成。鸚鵡薦毋論。猿鶴怨後心。縱有雲山夢。時面即令
休沐。暫為歡里人。恐驚獬廌冠。西門令尹過。從易東
郭先生杖履難。王子一為歌書舍。更遣錢郎與君畫。
展罷烟霞四面生。歌成飛瀑南窓挂。使君百邑上頭
居。天子時時賜璽書。但到會心聊一看。何須不食
武昌魚。

題孟里圖壽尤母

尤郎頰鐵亂髯紅。矯如嶧陽霜下松。手携客圖孟家
里。歸壽阿母觴春風。孟母三遷去其故。尤母却守先
人宮。啖子不必東家豬。食親不必燕魚熊。義方但就
養志好。圭筆也自春風中。

題趙承旨陶令像鮮于太常歸去來辭贈致政

太宰楊公

陶令生平興蕭瑟。到官母過八十日。五株楊柳勝栽
花。百畝公田都種秫。拂裛長歌歸去篇。昇籃豈是膏
肓疾。世事從他三復四。生兒任昧六與七。却恠渠祖
長沙公。婆娑八十諱稱翁。即論運甓鈴閣底。何似抱

貧

上紙

上養
真文

甕春畦中孤劍雄扶江左日一絲高挽義熙風忘年
自識將軍意易姓方憐處士忠千載從人論行止誰
似關西楊伯起力在寸心輸社稷功成餘事施山水
未老能拋太尉章得歸即號柴桑里五男却是五麒麟
麟海內俱稱萬石君今去山中看宰相由来平地有
僊人吳興才子工寫真漁陽老手書絕倫風流一代
不可即翰墨萬古恒如新我題此圖見微嚮須從跡
外探心賞長沙太遲彭澤速君臣道盡公當往

淮北吟

二月忽破三月來淮南尚可淮北去欲借春光寄膽
甕着花不見沙邊樹酒杯即防兒輩狎物色難遣吾
詩遇似應官職解相起其柰年光留不住婆婆老態
時一生蓄育閒愁日千緒江左鶯花了何限大抵英
雄回首處

甲戌春暮再入都憇善果寺逢杏花作

東風吹車入精蘭晨鐘數杵雞聲殘龐眉老僧來攝
客慈雲端春春未闌墻東杏花一樹白於霰時有流
鶯啄花片我自驚逢今日花花應不記當年面莫言
花落不如人人老能如花更春唯有江頭探花使祇
今還作踏花身流鶯欲答忽飛去恍忽如歌舊游句

上語

公霰

公御遇

但使新豐酒價平，老夫得住聊須住。

王太夫人七袞

王家琅玕一何衆，大母春雲籜中種。八子俱為荀氏龍，諸孫三見河東鳳。是時太僕歸其鄉，舞衫盡出宮羅裝。瑯耶釀泉春正美，好奉潘輿萬歲觴。

趙承旨天閑五馬圖歌

吾聞天子之乘有六馬，五馬無乃諸王侯。飛黃一骨立天仗，茲白甘足間清秋。有金不敢將絡頭，奚官屏立氣致柔。玉毫如霜落勁刷，倏儻暫攝歸優游。銀槽首肯露不收，綠波溢吻芬錦鞵。懸蚕齒曼快自酬，宛

如雙虹。蕭雲深功成身貴人不知，奉車駉來白玉墀。君王縱復日三顧，此足敢忘追咸池。吳興學士曹韓師，寫出蹀躞千金姿。得非飲至平南時，數百萬匹皆權奇。嗚呼渥洼之種悲不悲，真龍却走陰山垂。

沈翁歸自給諫，疊石為二山居之。後卒而其子叅議君顏其齋曰存石，志不忘也。王子為作歌。

沈翁昔日補天煉五色，天漏縱橫完不得。且從河漢覓支機，肯向陵陽泣含璧。一拳氣奪二華青，雙領寒分洞庭碧。似壓鬱林太守歸，况負奇章相公癖。翁今已矣石尚存，內史不忝翁家門。尊者衣冠拜稱丈，餘

者羅列皆兒孫肅然乞我一詩去欲披薜網穿雲根
嗚呼漱何必孫荆齒冷何必夏統腸渴何必王烈髓
饑何必鮑靚粮若翁有官不終日男子立骨須堅強
寄欽磊珂俱無妨

得魏懋權書却作歌呼之

戊辰十月贈汝詩忽汝詩名加我大每爭趙璧輒光
彩及博燕金多坎坎坷蹉跎國士心內私鹵莽時人眼
前過汝第何由玉刻名汝書空自珠生唾六月挑燈
啟檄讀清霜片片燈前墮男兒得意失意在一時斯
蟻行水應龍卧老夫中歲罷膏沐晚得承恩髮如剉

上虞賄

木箇

蘭陵美酒鸚鵡卮將汝愁來為汝破

史錦衣李勳衛邀飲顯靈宮分體

緹帥不踏金吾門子侯不愛平陽勳豐城巷西買山
色日有山人來論文其北琳宮創先代深林往往棲
白雲道流頗類陸脩靜有酒肯避陶徵君二侯飛騎
四呼召河朔故事君不聞冰絃再鼓動秋氣銀燭數
行催夕曛老夫華髮忝祭酒醉客朱眼同叅軍
繫柳紫茸轡硯底飛華白練裙黃冠手捧帝宸翰
彷彿五色煙網縕茂陵玉盃亦自出樂通金印何足
云采田已解滄海變華胥倘道糟丘分明朝折簡但

文元

世經堂刊

致我得醉何必皆同群

題白雪山房贈李勳衛言恭

涼公驅卒入蔡州。白旄寒壓銀兜鍪。有孫不寫雲臺色。却寫吾家王子猷。去年夜半燕中曙。天花散入臨淮署。酒畔何山是玉山。牕前幾樹真瑤樹。主人鶴鬢芙蓉中。亭亭姑射僊丰神。寸絲立起洛陽卧。片語能開郢里春。王生邇來罷山水。為君冰絃重繞指。君莫問白雪樓鮑山址。樓中之人人亦李。君歌散鹽差可擬。于鱗有白雪山樓

莫雲卿以詞翰妙天下。一日而名動京師三事

以降。莫不折行願交。臨軒之對策。名第一。尋用

郭有道例。入太學。別余東歸。謂余勿以口吻筆

札事人。且如謝淪之指口也。感慨之餘。聊成短

歌為贈

男兒功名在十指。隻字能傾洛陽帟。除他承相斷掃門。若個公卿不倒屣。共道臨軒第一人。蹇驢依舊踏風塵。自從元禮僊舟後。處處諸生折角巾。惟君與余交最厚。臨別僂俄指余口。歸去還窮禹穴書。丈人但進新豐酒。

題望雲遙祝卷為袁進士母

太御遇

上紙

上紙

春

君不肯學袁夏甫。行年四十一環堵。有面那容世人識。早晚推媿拜其母。今君射策已見收。淮南白雲望莫愁。乞將千斛驪珠去。顆顆能勝海屋籌。

顏尚書送裴將軍北伐真蹟歌

天寶劔舞稱裴旻。盤馬一決分千身。燿如雷電繚四足。圓若日月搏雙輪。顏尚書受顛史訣。書筆暗與裴通神。武功不競國之耻。五字欲掃祁連塵。錐沙印泥紛並出。大篆古隸藏其真。懸崖吐溜忽百丈。墜石小轉迴千鈞。漁陽揭地動鼙鼓。尚書猶新裴已陳。二十四郡委牌走。扼腕浩歎秦無人。不看李郭萬人敵。扶汝健筆刊嶙峋。嗚呼小枝何足論。

真文

入陌歌

領鄭陽 命出朝口號

五花小龍團墨勅。生新寶鈔鴉翎黑。黃封餌台紛後隨。法酒三杯壯行色。縱然才劣忝軍鎮。稍喜時清偃兵革。節度從他學襄樣。征南自古多書癖。碧油幢底見故人。喚作麗官麗亦得。

瞻美弟授太醫院幕職時余有鄭襄之命同歸

至江口而別占一歌為贈

少不欲作貲郎。若黃次公晚不能舉明經。若菑川翁公車旦請暮召試。唯挾軒岐書一通。烏紗角帶繡練。

雀小駟許踏長安紅無且藥囊日提寇何似角里採
秀商顏中東方小遺建章殿何似陶令醉卧北牕風
耳邊三婦但歌豔眼底五陵誰解雄有冠不必挂神
武留作漉酒歸江東汝兄開府謾言貴挾影蕭然下
渚宮

途次贈莫山人公遠歌一章

山人到家僅四壁山人出門無一錢岑參我兄常建
弟安能改絃媚少年長安筆耕何限子時清不奪朱
門權山人失意掉頭去僕被淒涼下廣川那能比肩
郭泰舫乍可寄鮪張玄舫吾伊新句不離口有似枯
木號饑蟬少年齒舌利於戟展轉千秋復可憐古來
好筭非所論吾意亦欲琴無絃

過八公山作

八公昔事淮南王丹成不救淮南亡人言淮王上天
去八公驂乘同翱翔不然五百餘年後能使氏眼成
蒼茫白石依然白鼻馬綠楊俱作綠沈槍晉祚靈長
豈在汝嗚呼女輩誠荒唐君不見淮南城外兵百匝
淮南令公朝玉皇

雪後壽陽道中

壽陽城頭雪千尺壽陽城外天一色雙驅候騎玉初

支微

八月

上紙尾

上虞語

破一點饑鴉青不得當時車騎飛渡湖八公草木皆
旌旗若令覩此瑯瑤樹却憶儂家兒女詩

過固始許忠節公祠

朱印殺丞伏兵發少年使者皆獨裂建禮門前一腔
血飛作彭湖斗間鐵義旗十萬橫江起忽有長虹穿
賊壘一時縛纍如縛豕逝者人耶生者鬼龍章再錫
帝寵稠猶聞曲突心未酬不令長孺寢逆謀漢關要
挂吳王頭固始祠中柏色古父老椎牲考鐘鼓南有
孫侯北有許令人扼腕悲壬午

癸酉冬余遷嶺右阻大風江上武陵夢玄子於

信夫輕舟過訪劇談三宿而別甲戌冬余領襄
漢節甫之鎮而信夫書至矣余且將有太和之
登信夫能脩江上故事躡躡從我乎歌以招之
且紀舊事

先

北風吹江浪黏天嶺南方伯夜不眠牀頭啾啾泣龍
淵忽覩一葉凌蒼煙中有虬髯頰頰鮮鷓冠鹿裘當
風翩人乎鬼歟非耶僊武陵居士於夢玄兩為循吏
嘉隆年眼中不挂石二千歸來拍手桃花顛白云百
願早已捐唯不忍割龍門緣劇談三書舌本穿驪龍
頷珠亂唾舩緩頰坐奪馮夷權我自鼓柁吳淞邊君

卷之三十三 世經堂刊

亦西歸渡沅川。三方鵠印書生懸。此事豈足秦人傳。
芳洲蘭芷若可搴。青鳥銜送麈臺巔。今我太嶽尋真
詮。倘有乘躋飛我前。虬髯頽頽人依然。把臂並駕雙
虹輶。毒龍脫銜飽老拳。叩闥且上天公箋。乞汝十頃
耕芝田。

陳丈子兼自蜀右轄謝事歸。數辭徵召養性自
適。唯詞翰流傳人間耳。今年七十而神明愈茂。
時余方填鄭襄未能趨賀賦此寄懷。

陳翁自解西川事。里社浮沈十餘歲。家中丈室呼已
寬。門外扁舟多不繫。春花秋月長有餘。石湖虎丘恣
所如。憑將尺牘名鷲坐。留得元方客下車。昨者親聞
相君說。正始風流元自別。羊裘欲訪恐不知。羔鴈雖
饒或虛設。紅顏細膩蒼髯虬。健脚翻使方印愁。足下
今年政七十。可作栖栖周益州。

思歸吟

庭前衆枯得春發。不病胡爲但忽忽。久成清世齒外
人。可作時賢眼中物。千言辨諱諱柰何。六州鐵鑄錯
更多。今朝中酒昨朝醉。西隣哭死東隣歌。男兒捫腹
一大息。安能低眉望顏色。仕宦寧堪生耳車。歸來亦
豈無瑕石。不煩公家費俸錢。亦不願使篇章傳支頤。

東冬

抱膝看山色更有一計銷殘年

武當五龍歌

昔時五龍化五公口授睡法希夷翁恬然一境天地外晉漢周宋皆為空君不見南陽卧龍卧隆中魚水萬古君臣同定軍山頭堊龍蛇赤帝燼息龍何功嗚呼五龍之睡睡亦濃左耳忽割不可踪龍潜龍躍各有會即使終卧誰知龍

武當道上所見戲成短歌

南陽少婦道人裝皂紗蒙紉白恰方口誦彌陀數聲佛手齋玄帝一瓣香有女求如南海相生兒早作繡

陽

衣郎堆箱越織重重錦柱棟吳粳粒粒霜孔雀纏枝雙到老芝蘭長砌玉成行是時玄帝征魔返十萬黑幟摩空翔覆額難晞九陽髮徒跌長瘡脩羅霜人間福地有如此明日幡然辭上蒼即勸彌陀亦還俗毋煩接引向西方

武當歌

黑帝不卧玄冥宮再佐真人燕薊中乾坤道盡出壬午日月重朗開屯蒙人間大小七十戰一勝業已歸神功久從北極受尊號却向西方稱寓公武當萬古鬱未吐得吐居然壓華嵩是時豈獨疲荆襄雍豫梁

八月質

益皆為忙少府如流下白撰蜀江截雲排豫章太和
絕頂化城似玉虛彷彿秦阿房南巘宏竒紫霞麗甘
泉九成差可當十年二百萬人力一一捨置空山傍
嗚呼英雄御世故多術卜鬼探符皆恍忽不聞
成祖帝王鬚曾借玄天師相髮漢武空邀王母過高
真不顯宋宣和功名雖盛母乃晚混沌時來當奈何

苦熱篇

常年游燕復游楚今年坐嘯鄖山阿常年六月猶襍
襪今年五月頭仍科六月襍襪不道苦翻道科頭未
易過赤龍頻頓義叔轡金翅欲掃尼連河未必棄王

歌

行暮雨由來漢渚有蒸波老夫弄水聊自解忽照霜
鬢胡其多炎涼世態日千變燄滅欲火時成魔蘭臺
大風吹汗漫蛾眉積雪寒嵯峨縱令有夢不解到據
梧斗室時婆娑天大洪鑪銷玉液柰此清涼一點何

贈李使君本寧之陝西分省歌

去年嗣宗客薊門腰下寶玦貽王孫不知私語何所
道但道阿戎勝阿渾汝忘少年我忘老吾弟翩翩詩
亦好罷酒行趨長樂鐘更衣醉籍津陽草忽傳春色
厭承明驄馬駉驪下玉京是時吾杖渚宮節秦山漢
水遙相縈紫微花開紫微舍笑撚金魚紫微下年同

上皓

上馬

舟州山人續卷之二十三
北府荀中郎官豈江州白司馬
徒兒投筆不足奇
翻手覆手在一時
第栽梧竹棠陰後
應須還汝鳳皇池

輓洞庭漁人孫仲可

孫仲可者諱宜其父按察副使世其德靖間
名臣也仲可少舉鄉進士有聲一再上南宮
不利遂棄去扁舟斗笠放浪江湖間因自號
曰洞庭漁人人呼漁人則應呼前進士則不
應也詩自漢魏古選以至少陵歌行近體靡
所不合文奕奕有二京風僅踰下壽以卒海
內聞而惜之余游楚與其子斯億善因追為

洞庭漁人輓歌一章

孫郎氣壓任公子欲截長虹作釣使帝憂三島逐浪
翻不遣神鰲受其餌歸來却作王弘之無魚可賣稱
漁師洞庭黏天八百里處處輕舸繫酒旗人間限滿
不肯住忽逐琴高上天去驪珠顆顆猶自圓鯨背茫
茫竟何處蹇余欲探桃花津水遠山長愁與論椒漿
但熟且須酹有子解喚蘆中人

孫兆孺華陽巾歌

兆孺貌寢而學甚博常戴陶隱居華陽巾客
多為作歌紀之余亦和焉

上紙

本御遇

真元

通明玉京墮來身秀眉長額飄鬚鬢皎如野鶴翹鷄
群有冠却挂神虎門歸來自製華陽巾皂角出沒中
茅雲手抄隱訣名登真松風不厭旦夕聞後千餘年
有孫君自言曾受十齋文中陶所中鹿皮裙訪我海
上霏煙昏父老巷視兒童奔俱言神僊來試人願孺
寶此貽諸昆後有優孟能稱孫

九友齋十歌

齋何以名九友也曰山曰水齋以外物也曰
古法書曰古石刻曰古法籍曰古名畫曰二
藏經曰古杯勺併余詩文而七則皆齋以內

物也是九物者其八與余周旋而一余所撰
著故曰九友也九友得之有早晚亦有從余
而游與留而不能從者其不能從者既日思
御而從者亦倦而思歸矣秋日山鎮無事每
一及之不勝蓴鱸之感乃成十歌所以有十
歌者併余身而十亦歐陽居士六一意也

老諄忽愛愚公策大編移來洞庭色玉峰英嶺苦無
價錦川武康差亦敵神鰲忽捧三巨簪靈鷲俄銜一
拳石夜深滄海珠蚌開秋淨虞山佛頭碧陰森古洞
若無際窈窕穿中誤游客昔稱九宜堂雨晴雪月客

全州山人稿卷之二十二 十四世經堂刻

四時人云百事百盡宜縱令百宜百不知主人自逐
襄陽兒一城斗大不納節桃花笑折東風枝有歌且
擬歸去兮

其二

醉鄉懶侯治生涯青山十畝水倍之
弇州堂背一片綺不減衛府芙蓉池
稍西九曲面山出恍若螺髻堆琉璃
刺篙中流月破碎迴櫂小港花追隨
銀鱗潑刺跳波響朱頂嘹唳從風移
主人醉眠客行樂客眠主醒鷄喔喔
早聞青鳥喚葫蘆除却白衣無剝琢
壺中天地不長情畫裏江山難着脚
以茲毋若歸去來虎頭為汝開丘壑

入覺茶

喔啼

其三

老妻不需賣文錢稚子不索故衣穿
跌宕豪翰凡幾年狂搜酷賞貪黃緣
成侯遺墨朝霞鮮右軍慘淡如春煙
永興生色出指間河南精鐵含純綿
白雲秘授藏真詮錐沙印泥顏法全
河東勁細鐵線纏眉山而下可十賢
鸞鸞貌抉龍蛇顛從汝晉楚復梁燕
墨池筆冢蕪欲田胡不歸展彥遠編
飽汝眼青腹便便

先刪

其四

玉匣昭陵閼真跡夢寐中山一片石
頗從度息見隆

入陌質

弇州山人稿卷之二十二 十四世經堂刻

真

入沃

先
刪

準三米蘭亭亦其匹。大清樓頭六卷餘。恍若清廟朝霞舒。潘家古絳復入手。色絲幼婦誰當如。鍾梁禪進美於玉。虞歐李顏看不足。饒輸六一畫舫齋。更讓二千金石錄。山長路遠難相依。即汝思之胡不歸。莫言林下日會遲。君不見幼安死貴信本癡。一眠三日僅一碑。

其五

雖有吳鉤名龍泉。匣之不試泣清鈿。雖有蜀琴字松雪。五指不慣同無絃。何如萬卷鄴侯架。天與雙眼長周旋。咸淳初刻班范史。徃徃八法開歐顏。其他七部可指數。浮提漆潘苔文箋。湘滕襲帙牙作籤。清香古色時鬱然。老夫不願乘赤鯉。願作白魚游其間。歸去來飽吃三字成神僊。

其六

我聞瞿曇四十九年說法無一法。其如阿難總持成百夾。鳩摩蓮花舌本生玄奘。舍利毫尖發白馬。東來象教崇青牛。西去微言空成都。玉局授書後漸與金僊相對雄。光庭靈素不須病。雅有片言為破諍。但令世幻一切拚。法寶玄珠炯雙暎。歸去來何快哉。兩歲恰面湖山開。我不能一麻一米骨作柴。亦不能噉琉

支微

黃鍾乳十二釵顧家阿瑛豎子爾亦解僧帽道人鞋
光明藏中大自然有骨不借青山埋

其七

苦吟頗受天地疑晚節却愛無聲詩丹青不知老將
至何況區區富貴為周郎寫情兼寫姿右丞妙理尤
吾師煙江春嶂有都尉平遠秋山輪郭熙莫將剡水
惱馬遠十二幅吐胸中竒吳興心法歸大癡蒙繁璣
簡各有宜二百年来僅沈戴直取悟境遺筌蹄此曹
十指解縮地能令四壁分四時歸去來未有期篋中
百軸爭色飛汝車生耳手生棘曷不舍卧南山隱宗
家故事知不知

其八

男兒有興須有適生不願十二金釵恒密席牀頭瓊
珀如欲訴夜半篝燈壓春滴梁園寶尊蟠雷文叔夜
遺鎗闕天色碧筒瀉出仍啾啾青眼傳觀爭嘖嘖君
不見舒州杓鸚鵡鎗李白與爾同死生舊交零落漸
已盡何可一日無二卿歸去來萬事平麴生叩門卿
即應

其九

西京以還十九首東周而上三百篇檀弓魯論諸國

入陌錫取

噴二多言只

錯金厲

陽唐蒸

唐卷之

先

策其言雖貴人茫然豈無五車載惠子尺炬併付驪
山烟我生何幸雪未巔著成百二十萬言毋論愛者
似鷄肋在我亦足成蝸涎何必要什襲藏名山何必
要咸陽市上千金懸歸去來一壺美酒抽一編讀罷
一枕牀頭眠天公未喚債未滿自吟自寫終殘年

其十

汝今行年已半百紅顏欲皺鬢強白人間治否豈係
汝胡不歸來長跼踖祇園山水天與開西館圖書世
希識蒼松翠竹月何限酒美茶香春闔碧行間字字
挾風霜向裏聲聲戛金石莫言七尺世長物借汝暫
作千秋宅豈惟千秋借七尺九友憑誰吐顏色只今
為汝進一言微吟淺斟縮脚眠歸兮且奪天公權

文皇御槍歌

相傳 文皇御槍在午門中樓黼座之右甲
戌仲夏六日世貞以朝退偕其僚得寓目焉
槍以漆攢竹為柄有黑纓懸黑旌若號帶者
中繡列星之屬槍柄為刃痕者三旌為矢穿
者五按記稱 文皇每遇大敵輒率驍騎衝
中堅繞出敵後舉旌颺之士爭奮敵輒大潰
此即所執銳也其明年茲日鄖鎮追成一歌

闡齒善切頭之大之銑韻

以紀其盛

天欲大統歸 文皇健兒挿羽起 冀方隆準重瞳美
髯秀如雲黑幟綠沈槍 幟尾絨排七曜色 槍尖鐵浴
九秋霜 毋論此槍丈二尺 尺刃能為萬人敵 燿如掣
電長繞身 裊若脩蛇四生翼 街枚直透深陣後 立表
時懸伏兵色 白溝河潰呼吸中 金陵鐵甕無堅壖 保
兒身手豈不健 兀介豈敢追真龍 紫茸甲影赤驃死
若論元勳此槍耳 貫鏃中穿懸昧白 捍刃痕多斷鱗
紫星斗長依黼座 邊虹霓不吐太平年 寧如漢祖斬
蛇劍 武庫風多遽上天

陽

入陌

東冬

歲先

九

入陌

元支

太兆

友人毛仲章文學棄諸生隱居自適銅梁張使
君有真逸之目 須予詩闡之 因成短歌一首

中丞積金傾五侯 有孫了不掛雙眸 手攜束書廢箸
出日與西京數子游 自言生命無貴格 半幅青衫消
不得 但可人傳毛氏詩 何須色喜廬江檄 張卿采訪
過吳門 與生意氣時相聞 手題真逸榜茅屋 又見華
陽陶隱君 老夫月旦落人口 那用區區尋蔽帚 縱汝
於名未盡忘 不在身前在身後

寄贈陸丈叔平時年八十城居矣

支 研舊居花似錦 日日青山對高枕 欄中養鴨自呼

庚 命 真

上 有

元 太 街 遇

名籠裏焙茶仍第品縱令丹青妙入神懶與探微作
後身但傾鑿落天地老偶染側理雲霞新夫人畏俗
不畏客夫人逃名名轉迫驃騎門前聘難致雞林市
中購即得近聞頗倦襄陽耕共驚龐公初入城間從
弘正語舊事雅嗣文沈稱先生衆中論文余最後每
得余言誇不朽肯向芙蓉池上游中箱雜物皆翁有

偶成

葉公好似龍冀與真龍遇真龍一夕來葉公不知處
楚猴重瞳那足論殺心枉自橫鴻門亞夫望氣四十
里當面失却韓王孫

七言小律

李駙馬歌

花底紅藤引碧油青春都尉正風流粧成美玉俱調
管埒就鋪金對賭籌却笑大功坊裏客猶煩十指貢
封侯

其二

白玉雙侵鬢底鴉含桃的的破蓮花黎明澡盥金平
脫薄暮温湯玉辟邪最耐內人俱國色不知若個是
家家

出塞

徐州山人稿

卷之三十三

二十一

世經堂

玉門關外草芊芊
磧裏沙黃上接天
因杆將軍頻按
塞車師校尉復留田
自是書生無燕領
年年金印妬龍泉

江提刑宅歌者

使君歌管出逡巡
白苧鷺飛梁上塵
曲罷愁他霜漏
促相期一醉便經旬
乍能閭闔尋吳子
那可揚州作賞人

又

誰家青衣鬢欲皤
秋天一曲勝韓娥
初疑夕籟流銀
漢復似松颺寫綠波
君問長安環珮客
幾人曾解聽吳歌

舟州山人四部稿卷之二十二

舟州山人四部稿卷之二十二

弇州山人四部稿卷之二十三

吳郡王世貞元美著

詩部

五言律共八百九十首

五言律一百二十二首

俠客

幸舍新彈缺屠家舊鼓刀風塵看不見意氣為誰高
片語忽生翼此身如拔毛金張貴人里辟易鷄鷩袍
丁未計偕將出門夕

此夜不忍旦匆匆垂去家回看小弱女猶未解呼爺
凍雪依筥草輕颺散燭花莫揮分手淚吾道自天涯

歸舟風雨

短笛破空濛孤舟黯淡中打蓬霞脚雨闌水石尤風
少住投棲鳥無言數去瀉酒杯吾計在未擬哭途窮

放舟

偶然走馬去忽復放舟歸倒日魴鯉集長天鶴鶴飛
釣童竹枝曲浣女藕花衣莫作它鄉樂江南春漸稀
大行方皇后輓歌二章

葆姓專坤靜論功夾日明恩將貫魚重身為當熊輕
寂寂春金屋沈沈夜玉城不須彤史述天語自崢嶸
其二

密雨椒途淨傷雲鷲輅興深宮六衣捲尊扇五華層
僊馭何其香神君不可憑還應從此日起觀望昭陵
雪後入臨 大行皇后

振木長飈勁迴空霽雪明河山俄改色天地有悲聲
苑樹連枝浹宮鴉數點晴此時僊馭遠知復貯瑤京
其二

積雪映空明輕寒入 帝城蓋珠飄樹冷粧粉委塵
輕玉履惟傳跡瑤臺何處行梅花與柳絮知是總傷
情

出塞二首

輦鼓胡雲舊旌旗漢月新何來飛虎將親獲射雕人
白髮尋涼早黃金結俠貧功成不望賞雲閣畫麒麟

其二

不斷穿廬色檀槽壓酪漿俄聞五校至去逐六羸亡
蒲類天如赭燕支月似霜前軍又銳吹生得左賢王

游天寧寺莫膳部偶過有作

駐馬 行興招提背郭開祗堪吾暫憇不謂爾能來
香飯青陳供輕衫白氎裁宿鴉千佛子就掌莫譙猜

天寧寺大風雨旋霽

鴈塔樞飈勁珠林密雨迴曇花空外散天樂定中來
龍出阿羅鉢猊翻般若若臺何因占慧力孤月亂雲開

游白雲觀遇鍾了髻

行散到古院脩然遇真師落日澹眉宇清霜踈髮絲
飯溫初煮石丹冷舊封泥嗒坐潭無語蟬聲秋樹枝

暮秋

十日不啟戶秋容老自催雨蟲寒上壁風葉夜侵苔
藥裹收仍展砧聲去復來乾坤空濶意不為庾生哀

十六夜月不寐

瑤鏡破踈枝西風敲夕帷流光豈不惜圓景漸成虧
脉脉憑誰語娟娟靜自窺故鄉俱一點含意暫教遲

十七夜月獨坐

有恨光難滿多愁掛却遲
淒涼洞庭樹迢遞上林枝
故苑空機杼深宮罷履綦
鴈風團白露愁殺獨樓時

送王僉事先生罷官歸

毋驚送君出直道邇難任
詎是無知已翻然諧素心
浮雲看逝鳥幽谷鳴琴亦有臨
岐淚蒼生望轉深

其二

清秋愴行役况子罷官歸
落日芬蘭珮西風涼芟衣
遲遲為帝里款款向親闈
更薄湘纍怨孤臣托罪微

奉寄華學士先生

共識承恩日為郎典石渠
未須論失馬已是遂焚魚
小徑頻回駕青山獨著書
無言同咄咄有夢亦蘧蘧

其二

軒冕豈不羨難膺千載軀
獨游成遠志新論擬潛夫
世路知相左吾師亦太迂
野鷗今不忌隨意釣江湖

其三

自愛青山地毋嗟上苑枝
我方占世道天欲重公詩
往事浮雲逝生涯流水知
獨慚門下客悽斷馬融帷
元日日有食之雨不見

日蝕王正朔千山一雨蒙人間今不見天上豈應同
漢署慚宣疏鮑宣有元旦日蝕疏光都想拜弓向來聞左史曾
紀善言功

春日過李三于鱗小飲適謝茂秦至有懷伯承

明府

乘興欵柴扉相逢騎馬歸待予初下榻對爾欲忘機
好客語中至情人書後稀悠然念離合徒倚度斜暉
有懷伯承因答于鱗

自聞僊令去春雪下江關予以友生感君其伯仲間
援琴對素月流思共高山賴有投珠意素居時解顏

答贈于鱗

歷下多奇士夫君無忝之身應李白後書是伏生遺
古調名堪小窮探已亦疑書來重噓借吾更愛吾詩

玩小池金魚

寂爾空庭步悠然涼意新倒池明綠樹驚藻愛朱鱗
聚沫緣窺食穿深欲避人不知濠上樂魚我竟誰真

乍雨

細雨留高樹輕寒過小池劇憐初夏節却似晚秋時
披荇魚知樂憑軒鳥暗窺蕭疎故園思徐步欲何之
雨後登白雲樓

乘暇獨登樓捲簾清遠眸無堪望中意翻益醉餘愁
雲合山常暝烟輕雨乍收行藏吾自識曲枕信悠悠

聞大同周將軍物故

絕塞猶胡騎中原失虎臣空餘累革志無復據鞍身
動地千門哭悲風萬馬塵將星知未墮

天子重推輪

其二

沙海長城斷單于秋意深轉愁新將令難識舊軍心
赤羽時傳警黃金不可尋馮唐撫髀對今古淚沾襟
晚行西山從間道發即景有作

中遠暫改轍高眺對蒼然曉徑松花合秋林楓葉鮮
穿蹄出穴兔薄皆護巢鳶隱隱聞笳鼓無何薊北天

送劉戶部之南都權引鹽

再徙司農秩仍分使者衣秋深榭葉冷江濶錦帆飛
日夜軍聲急東南地力微漢家鹽筭議待爾叩宸扉

贈汪生游遼左

壯志羞彈缺生涯問曳裾帝城不可住邊塞復何如
古戍霜侵早交河月滿初胡笳吹又急容易鬢毛疎

游天寧寺

褰裳春出郭扶病強招尋自是塵中侶同飯靜者心

舟州山人稿卷之三十一
城陰催落日野色斷高岑何事諸天界能離思深

送人之漳州驛丞

一官初拜魏匹馬遠投漳海色家家雨寒梅樹樹霜
雲中下飛傳天際出餘皇賦就多蠻語能無憶故鄉

寒食前三日出郊外遇雪有作

氣候今年晚燕山雪片飛可憐近寒食猶未授春衣
半吐花如洛能歌鶯尚稀長懷浴沂伴日暮咏而歸

高郵遇同年龔生舟次醉成

握手語未畢呼童且列筵停杯坐秋色看棹下江烟
汝狎嚴城漏吾耽據榻眠不知何所道小別是經年

送王亮燾下第

北風吹馬鬣寒色滿貂裘以我未能去逢君不可留
亂砧淮浦夜孤戍薊門秋為有幽芳在何須嘆薄游
均羨兄之分宜丞取道歸里

河壩置別筵把袂未能拈落日邊烽出孤星海樹懸
干戈淹歲月舟楫任風烟直有連枝淚疇吟春樹篇

其二

今日悟歸計秋風空羨人爾同彭澤宰况展柴桑輪
鳥雀稻禾熟雲霞橘柚新倘憐纓組弟非為罷官貧
夏夕謝山人馮戶曹朱駕部伯隣峻伯于鱗三

比部見過分韻得天字時謝將有行期

門巷高軒過琴尊別思懸明珠動深夜白雪破炎天
濁酒能中聖狂歌競謫僊還欣竹林賞西傍禁城偏

過姚園作

姚園聊屬我吳客自為群白米秋先得青山雨不分
藻翻魚意樂竹靜鳥聲聞談笑淹歸馬衝泥戀夕曛

張中貴談武廟時事有感

老病張中貴曾陪內教場五營徵介士六部選名倡
白馬平陽月瑀戈青海霜怕歸長信謁語語是先皇

初秋夜坐有感示于鱗

不寐宵轂發孤吟秋色來關城羽林騎鍾鼓栢梁臺
世事文章遠鄉心戰伐催長安李生在猶可對銜杯

陵祀

松楸何不極複道見行宮劔珮千官月橋陵萬馬風
地迴山盡拱雲合樹俱雄白首先朝事傷心涕淚中

其二

迴合宮牆出分趨禮數同夜歸千嶂裏春度百花中
列宿俱垂野洪濤併在空出游神意肅石馬自鳴風

答友

顛考元工俗來譏阮氏狂詩何預成敗酒頗礙行藏

九州山人稿卷之二十三
世經堂刻
雄白元難守雌黃未易當先生但吟醉答爾意茫茫

其二

稍為耽詩酒都忘世路難詩憑千古在酒放一身寬
濕束豪雄小途深禮數安那能事斯語便欲棄微官

春日同于鱗茂秦集韋寺水亭分韻得重字

偶成春服始挾侶問幽蹤芳草近寒食空林聞午鐘
鷲波雙鳥出迷路一僧逢欲竟名園者停杯感慨重

簡茂秦

飄梗真難繫垂楊未可攀君名去留外吾道是非間
且白人前眼憑蒼客後顏蕭然一長揖詩句滿春山

過秋曹後懷棘寺舊歡寄謝諸丈人

棘寺饒期集憐予齒最卑暮雲催握醕秋雨聽彈碁
攀附多先達風流並我師不堪今咫尺相望即天涯

其二

興愛提壺語歸從款段催落花風後逕芳樹雨中杯
祿薄存交誼官閒見吏才未愁西省隔折簡即能來

其三

憶爾卽筒酒來從蜀客船開尊須盡日促席解忘年
懶即隗俄坐酣仍鼓跌眠只今雲省夜茶椀對殘編

聞盧生將出獄志喜

聞道游梁獄斯人實可悲紅顏翻自累白壁轉堪疑
失意乾坤小孤蹤雨露遲向來吹黍律開落竟由誰

其二

骨立盧生在群銷好自支膏焚獨明日仄暖再然時
鸚鵡元鷲衆鷓鴣未穩枝江湖去仍廣勺水借恩私

生業已蕩
盡故云

其二

此際獄中劔曾逢雷令非提携終奮迅拂拭有光輝
一旦雄心托千年國士稀憑將報恩用不作化龍飛

謂陸令也

送僧之楚

西來為傳法南下豈離群夜梵神魚響秋空法鴈聞
浮杯洞庭月飛錫衡山雲若向黃梅去心香一寄焚
懋弘慈寺空上人房

下馬叩空門逢僧禮白雲為心一蕭散別路自塵氛
大避曇花席颯衾貝葉文大都論佛性難作有無分
許解元悼妾

帶有同心在絲將續命遲淚偷埋玉地心折賜珠時
解幌風從入鈎簾月自垂安仁故亡恙不那鬢成絲

其二

九州山人稿 卷之三十三
十一世經堂刻
天上僊期迫人間別恨深吹簫不同去步幄杳難尋
入夢驚纖玉聞香剩鬱金都将可憐意留作斷腸吟

其三

十五繡鴛鴦粧成贈阮郎蛾眉西嶺月鸞鏡九秋霜
小雨流蘇暗闌風錦簾涼欲從天外覓誰遣返魂香

其四

雲鬢白玉酥人道勝羅敷所念前魚泣寧知別鶴孤
同心悞綵綵如意妬珊瑚往日西陵栢蕭蕭長夜徂

夏日小理花榭漫興

謝客冠長解拋書酒漸親陋甘爲圃問拙憶灌園人
引瀑全宜暑栽花已過春忽驚搖落思高柳暮蟬新

其二

小樹僮能接繁花手自脩閉門疑在野積雨乍成秋
萬事何青眼諸公豈黑頭還嗔妻子問祇爲俸錢留

其三

落落孤松樹空齋意敞然誰來醉明月獨坐看青天
解髮步兵嘯披襟中散絃那能畏官長騎馬問流年

其四

握管真憑我啣杯不讓人風塵世已甚慷慨復何陳
歲月持螯手朝廷食肉身無爲互嘲誚各自有沉淪

送唐園任福寧志目

嶮雨任公白山雲大姥青蕭然坐州幕鳥雀下空庭

偶題

轉自風塵色人間睥睨過官貧為具少兒病檢方多
時論俱戎馬鄉心幾薜蘿毋勞問推轂吾意亦從它

其二

案牘吾何厭形骸久就拘聊因對樽酒相與得須臾
宦路皆先達詩名豈病夫乞歸猶未敢清夢或江湖
喜師錫比部夜来自南留酌有贈

三載傳書札相逢恐未真應門懼舊僕屈指問交親
雞黍貧能具鶯花晚更新相看素衣在天地久風塵
遣興

日月真萍梗乾坤任酒卮獨行身外計苦思鬢間知
得路車驚轍爭棲鳥剩枝小兒能學語不遣誦吾詩
其二

浩浩乾坤裏支離未可憑孤踪病妻厭高卧鄙夫能
歸計鄉音薄微官世態增討論多戰伐或恐在堅冰

長安初月

長安半輪月霜色滿金河俠客聞刁斗天山一劍過

橫穿卸支塞歸騎曉星多忽憶盧家女流黃欲罷梭

其二

青樓俠和婦秦月照眉鴉蕩子嫖姚幕胡霜作鬢花
功成萬戶賞莫向枕邊誇西去金張里生來將相家

汪比部遷慶陽守問之

吾愛汪夫子虬髯凌紫烟詩仍我輩讀官得衆人憐
北地逢賢守匈奴可近邊幾時驅馬發雪裏渡秦川
群盜

赤子吾焉忍兵戈見綠林橫行鋒可近不殺意仍深
江海思骸骨朝廷問腹心誰云大臣在家國共沾襟

其二

天遣文安盜狼山一夕風深恩是先帝急難有群
公身世吾何晚乾坤事未窮豈堪遼左成吹角月明
中

題東臯隱居四首

世路已知晚山花長見春曾爲獨醒者歸學耦耕人
小婦能蠶事諸孫理釣綸青天五柳下藜杖一閒身

其二

蘇城秋欲老兒女亦欣然罷社金香酒迎寒雪色錦
登場鳥雀下出市魚鰕鮮興發茗溪畔長吟梁甫篇

其三

偶來天目卧脩竹自成居

山手道書

花間謝車騎鏡裏出樵漁不學於陵叟枯槁恒晏如

其四

犢外收春雨松間候夕春比隣過流水燕坐數諸峰

白蛤野人狎籃輿刺史逢愀然雲色變或恐出從龍

天寧寺同諸子餞別公實

上方期不住初地已成賒握手蒼梧濶題詩白日斜

坐深聞聖樂別至散天花歸向曹溪路新詩悟後誇

其二

白足逢高侶黃金說勝緣雨時龍象出星外佛燈懸
斯物能千古吾人各一天還應斗間氣相望並森然

夜飲柴生

吾晚耽劉毅鳥盧一擲迴天風吹幘墮海月趁杯來

醉習時人態狂容傲吏才思從市中俠走馬度章臺

濮陽李明府自新喻再寄予詩茲以覲事駐城

外屬時禁方嚴不得出視悵然有懷

曉露沾鳧舄寒星識鴈臣君行濮上路予憶郢中人

河嶽成陸武天涯豈比隣解嚴須努力春事日方新

蘓江

此集存廿三
卷中誤在

秋江有殊色木落芙蓉鮮颯爾一鴻去天空波森然
偶來維楫步忽憶伐檀篇欲來誰堪寄徘徊空自憐

送張虞部伯啟左遷常州別駕

與說當年事孤臣奮欲飛乾坤淹帶甲風雨促征衣
事定殊文武權歸互是非所論寧遠謫惜爾寸心違

其二

國難徵兵日君恩佐郡年郡橫秦望雨兵入薊門烟
衆謂波相及吾知道固然還期保障意茲地股肱偏

其三

冠蓋無容地蕭然一郡丞孤帆下揚子秋色滿毗陵

白日垂難問青雲傲可憑汝能勤撫字夫豈愧飛騰

其四

把袂翻輕別沾膺自感時主恩遷地近吾道小臣
宜月迥延陵劔潮平太伯祠古人崇退讓今子莫婁
其

正月十四日夜同茂秦于鱗子與子相集靈濟

宮公實館分韻得燈微二字

欲暝天全白將規月漸升龍銜員嶠燭星燦紫微燈
綺色深三殿鐘聲散五陵醉須携興住春事日相仍

其二

集州山人詩集卷之三十三
十一世經堂友
夜色瑤宮映華燈玉樹依參差見花發歷亂覺星微
禁蘄通沉火僊音度羽衣還看醉來夕緹騎禁全稀
早春同于鱗公實訪謝茂秦華嚴庵

吾與二三子行游覽物華暖仍幽徑雪寒未給園花
客孰能為黍僧貧只施茶更愁歸興促騎馬問人家

其二

白社遲安石青林叩遠公乾坤吾輩在身世幾時同
草樹寒輝後松杉暝色中重來應爛熳一笑虎溪風
客有秦生者嘗尚魯翁主後流落死京師其友
李子為治後歸之

昔倚靈光日紅顏白玉珂恩深百歲少貧至一身多
故舊生涯在悲歡隔世過還逢脫驂者沾淚向江河

問訊梁公實

問訊梁公實聲名未寂寥病何關藥餌貧豈任漁樵
十載能吾輩同心正久要邊書况昨日散捷紫宸朝
其二

汝病風塵外吾衰景物中詞人歌太乙酒客卧新豐
彈缺心猶嗜驅車路轉窮飄然五噫詠天地一梁鴻

悼亡兒果祥詩十首

得汝三年內那能一日忘誰知浪驚喜翻為助悲傷

處處難開眼時時總斷腸病夫骨髓盡未數淚千行

其二

一病無旬日奄然喪此身何心吾在世無計爾為人
昨撫猶如玉今看已作塵平生娛弄物觸着暗傷神

其三

眉目真如畫聰明解讀詩見人爲禮法依母倍恩私
事事俱堪繫聲聲未忍離不眠仍起喚星斗夜空垂

其四

月月山東使平安兩字存昨來見書到半是憶兒言
汝爺心已折汝祖念彌敦說到傷情處青天日自昏

其五

動止能如意歡啼並可親縱無千里足堪慰百年身
得食先分姊更衣必示人難揮汝爺慟聞者亦酸辛

其六

不禁西河眼悲深漸欲枯逢人失應對散佚強支吾
顛倒還疑夢依稀或類呼誰將二女慰轉見一身孤

其七

見汝娟娟靜誰能不解顏身唯識燕市骨僅返吳山
痛入啼呼外逢應夢寐間如憐泣成血他日見探環

其八

芝蘭春已折庭館晝空沉判老江湖骨難窺天地心
入門傷几案跨馬畏朋簪欲問容身地茫茫不可尋

其九

可愛俱無跡唯餘一痛傷招魂歸杳曠追路失蒼茫
萬事甘人下餘生怕日長淚痕羅幌底斜月映如霜

其十

慰藉諸親舊殷勤強破愁斯文一身在遠道二親憂
感極神俱竦聲吞淚復流忘情豈我輩分已愧莊周

公實能數學未許予上壽也書此自解

聊尋支覆者何日盡予年萬事俱人後那能此獨先

汝云無蔡澤吾道豈彭錢不見青門土千秋誰更堅

子相在告以詩問之時予抱沉憂之疾久矣

吾父違朝謁君何抱病同詩成無萬事吏任有群公
今古榮華外行藏感慨中想應填巷轍門掩白雲空

其二

爾病猶能賦揮毫捷有神浮雲愧知己細雨向吟身
伏枕謀愈拙纓冠性豈馴倘憐長醉意不減獨醒人

入臨 皇太子

薊北逢春盡千門積雪多忽聞俱痛哭竟已接謳歌
月隱中峰嶽星搖渤海波可如王子晉騎鶴一來過

送戴同年令閩

憐君似安道而我愧王猷清夜數相過玄言時自酬
宦游輕別路作吏更南州山閣荔枝熟毋忘西北郵

送錢大

錢起名儒術兼爲醫者師論心或不悞緣病得相知
乘遽君何往飛鷲醉不辭莫言離別易看取鬢邊絲
初贈謝山人山人時館京山都尉

斗酒誰相勞高齋此獨醒暫依中禁鬻不作五侯鯖
下里傳春雪高天動客星平生厭冠蓋對爾眼能青
春日同李三比部有懷伯承明府

佳日試春酒停觴南望頗偶因文似者偏及意中人
入夜青萍合連雲碧樹新空爲可憐語天際竟誰陳

送彭進士謫江右

何處滕王閣遙維八月舸雨飛南浦綠雲入大江青
憶遠憑春樹占程問客星待君重有賦慎莫恨飄零

送張子訓導臨江

有客南州彥棲遲劇可憐一官新白髮十載舊青氈
朔霧濃行色春風入暮年劍光何處發玉筍倚南天
贈張內翰還楚

洞庭八百里春波正渺茫誰將木蘭檝君是紫微郎

柱識留題字衣分舊賜香
女為戀芳草久已待長楊

送周子仁淮安理刑

春波沙岬青之子獨揚舲
淮楚開雄鎮東南候法星
月明鄉樹出天濶暮雲停
予亦棲棲者驪歌未忍聽

送欽水部

歲晚輕為別軺車冰雪遮
君才何水部予咏折梅花
茲地銜鱸集為郎轉餉賒
如逢訊南北憔悴總堪嗟

其二

青蓋白雲纓尚書水部郎
吏迎花底繡愬發鏡中櫓
不廢穿林屐時懸愛客牀
還思薊門餉飛輓正相望

送徐生南還因訊陳員外

挾策辭燕市南州有令名
白雲帆際色黃鳥席邊聲
裘馬游將倦兵戈氣未平
共誇能似舅為爾憶水清

泉州府志卷之三

二十世紀堂

...

